



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2

**A V X I L I A R I S**  
**H O R T V S, E X T E M P O R A-**  
 nea Morborum Remedia ex singu-  
 lorum viridariis facilè compa-  
 randa paucis proponens.

A V T O R E A N T O N I O M I Z A L D O  
*Monluciano, Medico.*

A D H A E C,  
 Dioclis Caristij Epistola ad Antigonum, de  
 tuenda valetudine per hortensia.

L E C T O R I,  
 A E r e t i b i p a r u o q u i a d i u e s v e n d i t u r H o r t u s,  
 T u p o t e s A l c i n o o d i c e r e, n o l o t u u m.



L V T E T I Æ,  
 Apud Federicum Morellum in vico  
 Bellouaco, ad vrbanam Morum.

I 5 6 5.

C V M P R I V I L E G I O R E G I S.



SENTENTIA PRIVILEGII.

**R**EGIA sanctione cautum est ne quispiam alius præter Federicum Morellum Typographum Parisiensem, hunc Alexikepum seu auxiliarem hortum, extemporanea morborum remedia ex singulorum viridariis facile comparanda, paucis proponentem, cum Dioclis Caristij epistola ad Antigonum, autore ANTONIO MIZALDO MONLVCIANO, Medico, intra quinquennium, absque manifesto auctoris, & dicti Typographi consensu, sub Regis ditione imprimat, aut vendat. Qui secus fecerit, libris & pœna, in sanctione æstimata multabitur. Concessum fuit Priuilegium Lutetiæ Parisiorum, die VII Augusti, 1 5 6 2.

Subsignante

C A M V S.





ANTONIVS MIZALDVS


NOBILI ET ERVDITO IUVENI

IACOBO DAPCHON, Domino

loci S. Germani à fossis in

agro Borboniorum,

S. P. D.



VISQVIS ille fuit qui  
hæc protulit, *Beneficium*  
*dando accepit, qui digno de-*  
*dit*, næ ille per appositè  
significauisse mihi vide-  
tur, IACOBE charissime,  
donationes temerè faciendas non esse,  
sed ex iudicij delectu, nihilque largien-  
dum nisi bene merētibus & dignis, etiam  
si nihil tale sperent, ambiant & expectēt.  
Exemplo Archelai Macedonum Regis, à  
quo, vt scribit Plutarchus, cùm parasitus  
quispiam, qui nihil ducebat honestum  
præterquam accipere, inter cœnandum  
postulauisset aureum poculum, pruden-  
tissimus Rex statim iussit ministro, vt id

A ij



## EPISTOLA

daret Euripidi Tragœdiarum scriptori:  
 ad hominẽque illum tam impudenter  
 petacem conuersus, dixit, Tu quidem  
 dignus es qui poscas, nec accipias: hic ve-  
 rò dignus qui, etiam non postulans, acci-  
 piat. Hæc scribo, ornatiss. iuuenis, vt pa-  
 lām significem, te annos vixdum duos &  
 viginti natum, senilem Regis huius pru-  
 dentiam (quæ rara est auis) ad vnguem  
 expressisse in fratre meo IOANNE MI-  
 ZALDO, adolescētiae tuæ, & illustrissimo-  
 rum octo fratrum tuorum, formatore &  
 moderatore. Nam præterquàm quòd il-  
 lum ex eo tempore domesticum tibi esse  
 voluisti, nō vulgaribus etiam beneficiis,  
 quæ nonnullis instanter vrgentibus re-  
 cusaueras, nec postulantem, nec ambien-  
 tem, exornare contendisti. Quod etiam  
 paulò antè fecerat clarissimus frater tuus  
 ANTONIVS DAPCHON Pontificij iuris  
 Doctor eximius, & haud ita pridē Ther-  
 bens. Episcopus, nūc verò Abbas mona-  
 sterij Cerisiaci in diœcesi Baiocēsium, &  
 B. Mariæ de Evroneo in agro Cenoma-  
 nensi, qui eodem fratre meo, moderato-  
 re & formatore tecum vsus fuit. Nec dif-  
 fido quin eadem etiam pietate & muni-



ficentia erga eum, aliquando vsuri sint, illustrissimi reliqui fratres tui (quæ vestra summa est omniũ liberalitas & gratitudo) vbi commoda sese obtulerit occasio. Exemplo, ita me Deus amet, vbique prædicando, ac omnibus discipulis erga suos doctores & moderatores pergratis summè imitãdo. Quibus, vt scripsit Aristoteles, necnon Diis, ac parētibus, nunquam satis digna & æqua compensatio rependi potest. Quod hoc dimetro sic complectimur,

- ” Sunt tria quæ meritis nunquã persoluimus æquis:  
 .. Quod schola, quod Superi, quod dat vterque parens.

Sed amabo te, Iuuenis optime, quid illud, quòd fratrem vnum tibi demeruisse non fuit satis, nisi alterũ quoque (de me loquor) nihil tale expectãtem, etiam deuincires, & de te, tuĩsq; nullo modo meritum, tua liberalitate obstringeres? At quid hĩc & fratrem, & me ipsum commemoro, cùm sciam plerosque alios in hac tua munificẽtiæ cymba, etiam fœlicibus ventis nauigare? Sanè id à te factum facile crediderim, vt aliis multò opulentioribus præluceas, & veluti faces admoueas, quibus memorabili tuo exẽplo excitentur.



tur, ad largitiones studiosis erogandas, & iis maximè qui ob rei familiaris angustia (quæ maxima turba est) quò virtus illos impellit, emergere non possunt, & lucubrationū suarum fructum in lucem proferre, dum eis cominus & eminùs cum pera & sacculo quotidie luctandum est, ingēti Rerumpub. & posteritatis incommodo. Præclarè itaque facis, dum in hac benefica studia erga eos quos viuere par est, tam strenuè incūbis. Macte istius animi & virtutis semp esto, sicutur ad astra. Hac via gradū sibi fecerunt ad immortalitatem celebres viri: quiq; sui memores alios fecēre merendo. His vestigiis incedens, nomen super æthera notū sibi comparauit præstātissimus ille auūculus tuus, Franciæ Marecallus, vt vocant, à S. Andrea, Henrici Regis olim fidus Achates. Qui superioribus annis pro patria libertate, próque aris, vt aiunt, & focis dimicans, cū multis illustribus viris occubuit. Nec à tātō fratre suo degenerat prudentissima & nobilissima mater tua, Fronfaci Marchionissa, & Mirimontis Vicecomitissa, ac Dominarum aulae Regineæ vna. His tantis maiorum tuorum exemplis,



N V N C V P A T O R I A .

ne, quæso, defatigeris benefaciendo : accipies, mihi crede, immortalem mercedem non defatigatus . At sponte & alacriter currenti, calcaribus nihil est opus. Superest itaque, vt istum animum verè heroicū tibi gratulemur, Deūque Opt. Max. supplices deprecemur, vt illū perpetuò foueat, fœliciter promoueat, & sua pietate vnà cum corpore sospitet: faxitque, vt munusculū hoc nostrum hortense & medicum, quod tibi ex animo offerimus, & in tuo nomine & auspiciis publicum esse volumus, aliqua ex parte tuis erga nos meritis respondere, omniumque saluti, vtilitati, & commoditati inferuire possit . Hoc votum nostri summa laboris habet. Fœliciter vale, Iuuenis candidiss. & mihi inter omnes dilecte, mēque, vt soles, amare perge, id mutuò facturū . Lutetiæ,  
ad quartum Calend.

Nouembr.

1564.

A iiij



IN ALEXIKEPVM, SEV  
AVXILIAREM ET MEDICVM  
Hortum Prolegomena, ad  
Lectorem φιλυγίανον.

**N**ON sunt mihi tam obæse nares,  
amice Lector, nec oculi vsque-  
adeò lippi, vt non faciliè subodo-  
rer, ac præuideam φαρμακοφίλως  
ἢ φαρμακοπλόυτους plerosque

Horum  
temporum  
infelicitas,  
& inuidia.

Rerū no-  
uarum ini-  
tia diffici-  
lia.

foræ, qui institutum hocce meum de vitæ auxi-  
liis, & morborum remediis ex cuiusque hortu,  
statim & absque impendio comparandis, super-  
ciliosè legant, ac grauitè ferant. Vah, inquièt,  
non illud est irridere, velle hodie morborū præ-  
sidia, per tot annorum centurias in hortis conse-  
pulta, vigente pharmacorum tanta luce & co-  
pia, suscitare, aut reditura commonstrare? Sa-  
uare, etsi anceps ac lubricum sit rerum omnium  
nouarum initium, videatúrque res ista ardua,  
& quæstioso hocce tempore admodum operosa,  
nihilominus tentanda est, tam grandi & salu-  
tari multorum emolumento, maximè eorum qui  
diurno & nocturno labore, curaque indefessa,  
& operis irrequietis, vitam fouent ac tuentur  
nostram: cuiusmodi sunt populares, rustici, &  
quiuis alij, medicorum ac consiliorum inopes,



PROLEGOM. IN ALEXIKEP.

emendorumque pharmacorum impares. Quibus mutuas debemus operas, & vicaria auxilia, interim dum nobis terrena colunt, serunt, metunt, ac sudando, & plerunque ægrotando ad nos comportant:

Hoc lex, hoc pietas, hoc vult Deus, oïa nō dans  
Omni-  
bus, insigni pro bonitate sua.

Domesticas itaque hortorum opes incomparabilis illius rerum omnium parētis naturæ, quam noster Hippocrates ubique iustissimam nuncupat, illis certatim perlustremus & illustremus.

Natura  
ubique iustissima.

Quam, per deos immortales, quis nescit voluisse, ut statim à positis terræ fundamentis, prima & præcipua morborum remedia in agris essent, & postea, ne longius eundum esset, in hortis?

Quis inficiabitur templa AEsculapio, medicinæ deo prisco, in sylvis & mediis viis extra vrbes olim condita, significauisse prisca & prima morborum auxilia, non fuisse in vrbibus & officinis, sed potius in agris & sylvis, ubi ῥοσὸς ille, & auxiliaris Deus implorabatur, & ægrotantibus eò tendentibus, quid agendum esset suggereretur? Quis nescit populū Rom. annis DC, salubriter vixisse absque vllis pharmacopolis & medicis? sed non tamen absque medicina: quætum simplex erat & suavis, adhæc inuentu & paratu facilis, quia altilis, vernacula ac hor-

Tēpla Aesculapij  
extra vrbes.

Populus  
Rom. diu  
vixit absq;  
medicis.



Nestoris  
Alexikep<sup>9</sup>  
& auxilia-  
ris hortus.

Medicina  
hortensis  
prima  
apud rom.  
& quando  
illinc exu-  
lauit.

tensis. Quemadmodum præclare testatus est M. Cato in eximiis illis suæ brassicæ encomiis, ut suo dicemus loco. Qui vnus herbis quas planta- uerat, & maximè brassica, vsus, se, coniugem, filium, necnon liberos, ad longæuam senectutem incolumes perduxit. Vis tibi antiquiora proponam? consule M. Varronem, ex eo statim audies, sapientiss. illum Nestorem, qui Troiani belli temporibus floruit, ἀλεξίκεπον, hoc est, auxiliarem hortum carmine descripsisse: à quo id nominis in titulum huiusce Opusculi verè mutuati sumus. E didit etiam Sabinus Tyro librum Cēpuricōn, seu hortensium, quem, Plinio autore, Mecænati dicauit. Itaque, eas antiquis hortus dabat & medicinas, sicuti scripsit AEmilius Macer, poëta & medicus non indo- ctus. Fuit ergo medicina hortensis apud Roma- nos omnium prima & præcipua. Quæ cū an- nis DC, in precio illis fuisset, vnà cum agrestī, superueniente, et sensim cum imperio crescente, effrænata gulæ & Veneris licentia, è medio ho- minum cœtu, retrò abire, ac longè exulare fuit coacta. Nam cū morborum omnium agmina, hasce duas sorores pestilentissimas vbique comi- tarentur, & confertim opes triumpharent, ac opum furiosa libido, velis, quod dicūt, & equis, è Gracia, ac locis aliis accersiti fuerunt medici,



vitæ & necis imperatores imperiosissimi: eoque  
 cæcitatibus ventum fuit (perinde atque hodie) ut  
 quibuscunque se medicos, vel de titulo & veste  
 profitentibus, statim crederetur: cum in nullo mē-  
 dacio periculum sit periculosius. Hi, ut ex fumo  
 darent lucem, & famam nouitate aucuparentur,  
 coeperunt illico in hortorum materias, & hortenses  
 medicinas palam inuehi, ac inflatis buccis illas  
 deſpuere. Quas ut funditus extirparent, qua-  
 stuosissimas officinas, ac superba myropolia, bar-  
 baris & inauditis medicamentis longè ac latè ra-  
 diantia, pedetentim erigere nihil fuerunt cun-  
 ctati. Quæ radices vsque adeò disseminarunt suas,  
 & artifices paulatim sparserunt suos, ut de illis  
 hodie iure dici possit: Quis enim non vicus  
 abundat? In his emicant capsulæ & pyxides  
 suis nomenclaturis perbellè distinctæ, in quibus  
 latitant deorum manus, ut vocabat Herophilus,  
 & numerosa ostentantur artificia, quæ solis ho-  
 minum ingenio cōstare certum est: neglectis, si  
 diis placet, simplicibus illis naturæ opibus ac ope-  
 ribus, absq; vlllo artificio, vlllo apparatu magno,  
 aut latente fuco, suauibus & absolutis. Hinc,  
 nimirum, dubia vitæ & fortunarum alea, ut  
 peregrina sibi comparet medicamenta,  
 Impiger ad Persas, Mauros, Babylonas et Indos,  
 Velis ac remis Pharmacopola volat.

Primorū  
 medicorū  
 apud rom.  
 fastus.

Quando  
 pharma-  
 copolæ in-  
 troducti.



PROLEGOMENA

Barbarorū & exotico-  
rum medi-  
camento-  
rum alea  
dubia.

Hinc malè sarta putatur esse vita, & corpo-  
ris valetudo parum firma, nisi barbaris, ac ple-  
runque adulteratis & suspectis, magnòque em-  
ptis præsidiis sæpenumerò delusa fuerit: Hinc vl-  
ceri admodum paruo, & leui morbo, medicina  
à rubro mari, aut nouis insulis accersitur, cum  
vera & neutiquam suspecta remedia, quotidie  
pauperrimus quisque cœnet, ac pedibus in suo  
hortulo, vel agello passim conculcet. Ita est pro-  
fectò, merces vltro oblata sordet: & quæ patria  
sunt ac domestica, quantumuis preciosa ac salu-  
bria, externis, etià summè abiectis & plerūque  
dubius, viliora ac despicabilia habentur.

• Vtilior seges est, inquit poëta, alieno semper  
in agro:

• Vicinūque pecus grandius vber habet.  
Stultissimū sanè est longius quærere, quod ante  
pedes situm habes: & periculoso, insanòq; sum-  
ptu cōparare velle, quod impostura sæpenumerò  
constat. Dic, amabo te, non summa est cœcitas  
alienis & peregrinis ita subscribere, vt tua ne-  
gligas? non deploranda est amētia, dum tibi scire  
non libet quid salutis tuæ conducat, alienis pedi-  
bus ita ambulare, alienis oculis sic aspiciere, au-  
ribus alienis ita audire, & aliorum manibus sic  
omnia cōtrectare, vt tibi aliena ope miserrimè  
prorsus viuendum sit? Siccine incōparabilia re-

Peregrina  
non esse  
præferēda  
patriis &  
domesti-  
cis.



rum naturæ precia et vitæ subsidia in hortis con-  
 tempta iacent, ac si ventri duntaxat saburrâdo,  
 aut oculis & naribus tantum pascendis nata es-  
 sent? Quid hoc est, nisi mera stupiditas est, dubia  
 & suspecta sic persequi, sic ambire, sic ample-  
 cti, ut certam & domi vigentem medicinam de-  
 seras? ô quantum est in rebus inane! Medemur,  
 scilicet, aliena fide, & famam exoticorum me-  
 dicamentorum miscellaneis, ancipitique farragi-  
 ne, ac inani ostentatione venamur. Hæc dū au-  
 dis, amice Lector, scire fortasse laboras quid in  
 tam dubio pharmacorum casu, tibi seriò ac tutò  
 agendum sit: dicam paucis, Fruere priscorum sa-  
 lutari more: elige ex tuo hortulo & agello me-  
 dicas materias tibi notas ac familiares, tecum edu-  
 catas, apud te excultas, patribus tuis assuetas, pa-  
 triæ probatas, ac sub eodem coelo & aère tecum  
 viuentes: quarum copia, ubi, quoties, & quādo  
 visum erit, recens ac vegeta haberi potest. Irri-  
 de auidos lucrorum aucupes, & φάρακας ποσει-  
 plerosque, quibus nihil potest placere, nisi quod  
 Indiam loquatur, Hesperiam resipiat, & extre-  
 mum reboet oceanū. Despue in illos qui barba-  
 ras, & adhuc malè cognitæ pharmacorū vires  
 ac nomenclaturas tibi ad miraculum vsque ex-  
 tollūt: quæ, re vera, magis expiatione quādoque  
 egent, quàm quòd corpus expiare possint ac cu-

Pulcherri-  
 ma ac ve-  
 rissimæ ex-  
 postula-  
 tiones.

Consilia  
 notata sū-  
 mē digna,  
 & non de-  
 spicienda.



Exhorta-  
tio ad hor-  
tensem me-  
dicinā am-  
plectendā.

rare. Agè itaque, vernaculas opes externis con-  
stāter præpone, & priscam medicinam horten-  
sem, extemporaneam, fidam, ac minimè suspe-  
ctam, è profundis tenebris in apertā lucem pro-  
ferre incipe, sopitā excita, exulantem reuoca: &  
ut idem faciant noti & amici tui omnes, cōten-  
de, insta, & pro viribus adnitere. Eam in rē tibi  
prælucebit hic noster Alexikepus: viam indica-  
bit, ac fidum comitatū ubique præstabit. Tibi,  
obsecro, persuade verissimum esse Quintilia-  
num illud, Vsitatis tutius utimur, noua non sine  
periculo vsurpamus. Tibi confidenter propone,  
ea remedia optima esse, quæ pluribus cognita,  
& pluribus probata sunt: qualia esse diximus  
domestica & hortensia. Quibus tamen sic utē-  
ris, ut nec externa bene nota et selecta, siue sim-  
plicia fuerint, siue cōposita, omnino reiicias, ac  
pharmacopolia esse inutilia iudices: quæ sum-  
mè probamus ac laudamus, modò nacta sint do-  
ctos, peritos ac fidos artifices, probis & recentibus  
materiis medicis, accuratè, ut par est, instru-  
ctos. Hæc in medicum Hortū satis erunt: quem  
nouā formā disposuimus, ut ad eius imaginem  
cuique deinceps liberum sit similem construere,  
colere, & per proprios campos & areas, plātis  
arboribúsque eiusdē generis, ut fecimus, regio-  
natim disseminare: ut sint quæque hinc inde

Pharma-  
copolianō  
damnāda,  
& qualia.



IN ALEXIKEPV M.

locis, digesta decenter, & non cōfusus ordinibus,  
ac diuersarum qualitatū, Variorūque gene-  
rum miscellaneis, vt perperam apud omnes fieri  
solet: ob causas cū alibi, tū in nostris hortorum  
Secretis expressas. Fœliciter valebis, Lector  
optime, & si quid alicubi peccatū erit, imò verò  
quia peccatum, tecū reputa, optimum esse arti-  
ficem, non cui nūquam, sed quā minimū er-  
rare concessum sit. Fruere alienis laboribus, &  
tibi sudantibus, argentibus, ac lucubrantibus,  
bene, quæso, precare.

Autoris  
depreca-  
tio, & con-  
clusio.

ALEXIKEPV S SEV AVXILIARIS ET  
medicus Hortus, octo Campos, vel regiones, continens,  
propriis areis, quo sequitur ordine, nobis  
distinctus ac descriptus est.

Campus primus olera aliquot  
cibaria, decem areis hac serie  
completur.

- 1 Iactuca.
- 2 Brassica.
- 3 Petroselinum.
- 4 Portulaca.
- 5 Beta.
- 6 Blitum.
- 7 Oxalis.
- 8 Spinacea.
- 9 Borrago.
- 10 Asparagi.

Campus secundus radices ali-  
quot esculentas, quatuor areis  
claudit.

- 1 Porrum.
- 2 Ceba.
- 3 Allium.
- 4 Raphanus.

Campus tertius herbas odora-  
tas areis XI diffeminat.

- 1 Salvia.
- 2 Hyssopus.
- 3 Satureia.
- 4 Maiorana.
- 5 Fœniculum.
- 6 Mentha.
- 7 Thymus.
- 8 Ocimum.
- 9 Orualla.
- 10 Rosmarinus.
- 11 Lauandula.



# ALEXIKEPV S.

*Campus quartus herbaceos & fruticeos fructus sex arenis distinguit.*

- 1 Cucurbita.
- 2 Cucumis.
- 3 Pepo, melo & melo-pepo.
- 4 Cinara.
- 5 Fragaria & Frambœsia.
- 6 Grossulæ.

*Campus quintus flores aliquos tam odoros, quàm inodoros, nouem arenis dispergit.*

- 1 Rosa.
- 2 Lilium.
- 3 Leucoion.
- 4 Viola Martia.
- 5 Betonica altilis.
- 6 Phlogium.
- 7 Iris.
- 8 Amarantus.
- 9 Solsequium.

*Campus sextus plâtas aliquos non esculêtas arenis vndecim capit.*

- 1 Absinthium.
- 2 Abrotonum.
- 3 Ruta.
- 4 Vrtica.
- 5 Plantago.
- 6 Artemisia & Tanacetū.
- 7 Chelidonium.

8 Mercurialis.

9 Parietaria.

10 Malua.

11 Lathyrus seu Cataputia, & Ricinus seu palma Christi.

*Campus septimus pomiferas arbores cum suis fructibus arenis tredecim distribuit.*

- 1 Malus & eius pomum.
- 2 Pyrus.
- 3 Cotonea.
- 4 Prunus.
- 5 Cerasus.
- 6 Morus.
- 7 Perlica.
- 8 Mespilus & Sorbus.
- 9 Citria malus.
- 10 Aurantia malus & Limonia.
- 11 Punica malus.
- 12 Ficus.
- 13 Olea.

*Campus octauus arbores nuci-feras & earundem fructus arenis quinque continet.*

- 1 Iuglans & eius nux.
- 2 Amygdalus.
- 3 Pinus.
- 4 Corylus & Auellana.
- 5 Castanea.

His adduntur sub finem, faciles & populares oleorum medicamentorum concinnationes ex quauis hortensi materia, necnon aquarum distilladarum formulæ pulcherri-  
rimæ ac summè vtilis.




# ANT. MIZALDI

MONLVCIANI ALEXI-

KEPVS, SEV AVXILIARIS

& medicus hortus.



SCRIPTVRVS hîc non  
de asini vmbra, quod  
aiūt, sed de medicis hor-  
tensiũ facultatibus, quæ,  
re vera, omniũ accuratè  
medicantiũ iudicio,

„ *AE* què pauperibus profunt, locupletibus æquè,

„ *AE* què neglectæ pueris, senibúsq̃ue nocebunt:

precium operæ facturum me puto, si in-  
stitutæ narrationis fores à Lactuca ape-  
ruero. Nō quòd ei olerum & hortorum  
principatum velim ascribere, contra M.  
Catonem & Plinium: qui illum, vt suo  
dicemus loco, Brassicæ constanter adiu-  
dicāt: quin potiùs, quòd sciam Lactucam  
salubrem & euchymam esse plantam in-  
ter omnes hortēses, & ob id benedictum  
olus, ab Auicenna appellari. Qua dote &  
priuilegio, certum est illam priscis vsque  
adeò placuisse, & tanta cura excultā fuis-  
se, vt ab ea Lactucinos in Valeria familia,

*Autoris sco-  
pus & in-  
stitutum.*

B



*Lactuca à  
morbo D.  
Augusti no-  
bilis nata.*

Plinio autore, cognominari non pudue-  
rit. Illa, illa est qua D. Cæsar Octavianus  
Augustus, in lōga & ancipiti ægritudine,  
consilio Antonij Musæ medici excellen-  
tissimi, conseruatus fuit. Vnde statuat  
collato are iuxta signum Æsculapij, Sue-  
tonio Tranquillo attestante, promeruit.  
Sed prætermisso lactucæ verbosiori en-  
comio, medicas eius vires, pro nostra te-  
nuitate in mediū proferre, & hortulum  
nostrum per suos campos areatim distin-  
guere aggrediamur.

## HORTI MEDICI CAMPVS

PRIMVS, OLERA ALIQVOT  
cibaria, decem arcis  
complectens.

*Lactuca altilis, & medica eius auxilia.*

AREA I.

*Quid per  
olus hîc in-  
telligendum.*

OLERIS nomine hîc complectimur  
plantas eas hortenses & herbaceas  
quæ non solùm condiendis iusculis ac-  
commodari solēt, sed etiam paruo sum-  
ptu & facili apparatu in vsum cibarium  
pauperibus quotidie venire, siue in acc-



tariis, siue aliter id fiat. Tale est illud Horatij ad Sæuam,

- „ Si pranderet olus patienter, regibus vti  
 „ Nollet Aristippus: si sciret regibus vti,  
 „ Fastidiret olus, &c.

Sed hæc Grammaticis discutienda relinquemus, & medici medica lactucæ præfidia tractabimus: quam norunt omnes in historiis versati, vsque adeò priscis Romanis fuisse commendatam, post D. Augustum per eam sanitati restitutū, vt seruari, etiam in hybernos menses, ex oxymelite repertum sit. Plāta est admodum salubris, sicut testatur Columella in suo hortensi carmine, de illa propter seruatum Augustum ad hunc scribens modū,

*Lactuca,  
planta salubris.*

- „ Iamque salutarī properet lactuca sapore,  
 „ Tristia quæ releuat, longi fastidia morbi.

Huius succus febricitantis fronti illitus somnum accersit, quæadmodum scripsit Florentinus, rerum agri & medicinæ interpretes Græcus ad vnguem factus. Qui etiam tradit eum, qui ieiunus lactucam prægustauerit, ebrietatem non sentire: adhæc semen eius tritum & potum, genituræ effluuia cohibere: quapropter aduersus crebra Veneris ludibria in somno,

*Febris, somnus, ebrietas, Venus, gonorrhœa, & alui fluxus.*



utiliter propinatur: sicuti vulgari hoc iactatur disticho,

- ” *Semen lactucæ Veneris ludibria tollit,*  
 ” *Cum vino bibitū, fluxum quoque cōprimit alui.*

Quod equidem distichon esse astruimus Macri poëtæ & medici non indocti: quem multi, hocce Ouidiano dimetro, ipsius Ouidij σύγχρονον sub D. Augusto fuisse contendunt,

- ” *Sæpè suas volucres legit mihi grandior ævo,*  
 ” *Quæq; nocet serpens, quæ iuvat herba, Macer.*

Sed his dimissis, lactucam repeto, quam idem Florentinus tradit stragulis suppositam, ægris nescientibus, hac præsertim ratione, ut ante solis exortū sinistra manu radicitus euulsa sit, somnum illis conciliare. Qui etiam accersetur, eodem auctore, si folia quina, terna, aut vnū, cervicali clanculum supponantur: sed ita, ut quæ imo caulē decerpta fuerunt, ad pedes: summo verò, ad caput spectent. Admonent insuper Græci geoponici, quòd effusus & assiduus lactucarum vsus, cane peius & angue fugiendus est his qui procreandis liberis operam dare solēt. Nam fœcunditatem non modò minuere scribunt ( vnde Ἀνίσχρον, hoc est spadoniam

*Somni conciliatio.*

*Lactuca cur fugienda coniugatis.*



vocauerunt Pythagorici) sed quos postea fustulerint partus, velut amentes, ineptos ac stupidos à progenitorum ingenio degenerare promittūt. Haftenus illi: à quibus ad nostros deficio Medicos, apud quos etiam lego, lactucas somnos conciliare, ac sanguinē neque improbum creare, neque vndique perfectum, multò tamen, quàm à cæteris oleribus, præstantiorem. Quæ duo, Eobanus Hessus poëta elegātis. pulchrè expressit in libello de tuēda valetudine, hunc in modum:

- „ Hortorū lactuca decus, quia friget & humet,
- „ Sæpè leueis somnos conciliare solet.
- „ Atq; vt corporib<sup>9</sup> reliqua omnia vincit alēdis,
- „ Sic vini succus sanguinis inde venit.

Qualem gignat sanguinem lactuca.

Hinc factum arbitror, vt Galenus illam de oleribus solam, in homine temperato euchymam esse dixerit, hoc est succū bonum gignere, & optimum corpori alimentum sufficere. Quæ, vt calidis ventribus sumpta mirè auxiliatur, ita vsu crebro, oculorum aciem retundit, ac caliginem, vt mox scribemus, inducit. Addo quòd suspiriosis, & sanguinem excreantibus, ac pituitosis summè nocet. Præterea, quòd tam crudæ quàm coctæ vsus lar-

Ventres, caligo, asthma, hæmoptæ & pituita.



gior, non minus est periculosus q̃ cicutæ.  
 Æstate ea vtimur vt medicamēto, potiùs  
 q̃ alimento: nimirum ad humectandũ &  
 refrigerandũ. nam frigida est, ac humida.  
 Quod cùm ita sit, iure quis dubitet, quo-  
 modo probũ & purum sanguinem in no-  
 bis possit gignere: substãtia, inquam, no-  
 stræ familiari, quæ illi planè est lactea &  
 dulcis, adhæc moderatè cocta, & proinde  
 in sanguinem prõptè ac facilè mutabilis:  
 quãobrem etiã lac affatim gignere solet.

Lac & cho-  
 lera morb⁹.

Prodest eadẽ aduersus morbum præcipi-  
 tem & periculosum, quẽ Græci χολέρα vo-  
 cant, ab immodica bilis deiectione, & im-  
 placabili vomitu. Cui⁹ rei testẽ pferem⁹  
 antiquis. poetam & medicũ Q. Serenũ,  
 „ Noxia (inquit) si penit⁹ cholera sœuire venena  
 „ Perspicias, cocta lactuca fronde leuabis:  
 „ Proderit & caules assumere sæpè madentes.

Lubricam  
 aluum quo-  
 modo faciat  
 lactuca.

Aluum ideo lubricare dicitur, quòd hu-  
 miditate & frigiditate sua immoderatũ  
 hepatis calorem tẽperet: qui ob celerem  
 & vehemẽtem cibi ac potus distributio-  
 nem, & direptionem, aluum resiccare ple-  
 runque solet. Huius lubricationis & faci-  
 lis per lactucam ad excrementa vacuãda  
 apparatus, testem etiam citabimus Mar-



tialem hunc in modum scribentem,

» *Prima tibi dabitur ventri lactuca mouendo*

» *vtilis.* Et alibi:

» *Vtere lactucis, vel mollibus vtere maluis,*

» *Nam faciem dudum, Phæbe, cacantis habes.*

Visionem præterea turbare fertur, vt nūc *Quomodo  
visionē tur-  
bet lactuca.*  
dicebamus, & oculis nocere, eisque cali-  
ginem inducere, quòd spiritus visorios  
denset & incrasset, humorémque cry-  
stallinum, videndi speculum summè ter-  
sum, turbidum reddat, & animale spiritū  
sua frigiditate offendat: nisi calorificis  
herbis illi remistis, aut generoso vino su-  
perepoto, frigiditas ea tēperetur. Nā ex  
Hippocrate, frigidū cerebro, spinali me-  
dullæ, neruis, ossib⁹ ac dētibus summè ini-  
micū esse solet: ex quo fit vt soporifera e-  
tiam censeatur esse lactuca, sicuti suprā à  
nobis adnotatū fuit, & Claud. Galen. suo  
experimēto cōfirmavisse intelliges. Ple-  
riq; (inquit) lactuca vtūtur prius q̃ in cau-  
lem assurgat, aqua illā incoquētes. Quod  
ego nūc, ex quo dentes mihi malè habēt,  
cœpi facere. Quidam meorum sodalium  
conspicatus olus id iam olim ab adole-  
scentia mihi esse consuetum, nunc tamen  
ipsius esum esse permolestū, autor mihi

*Quomodo  
utebatur la-  
ctuca Gale-  
n⁹, Et quam  
ob rem: ex  
suis Alimēt.  
libris, &  
aliis.*

B iij



Galenus ri-  
giliis assue-  
tus.

fuit, ut ipsum coquerem. Ætate autē iu-  
uenili cū mihi ventriculus assidua bili  
infestaretur, cruda lactuca, ut eum refri-  
gerarem, utebar. Cū verò ad ætatē de-  
clinantem perueni, hoc olus fuit mihi re-  
medio aduersus insomniam & dormien-  
di impotentiam. Tunc enim, contrā ac in  
iuuentute, somnum mihi dedita opera  
conciliabam: nam graue erat præter vo-  
luntatem vigilare. Quæ res mihi accide-  
bat, partim quòd in iuuentute meaptè  
spōte vigiliis, studiorum gratia, assueui-  
sem: partim quòd declinantium ætas ad  
insomniam sit admodum propensa. Ita-  
que, lactuca vespere in cœna, vel somni  
hora, cocta & commansa vnicū mihi in-  
somniae erat alexipharmacon & reme-  
dium. Hactenus Galenus: ex quo hanc  
historiam, quòd pulchra sit, præsentī loco  
accommodare visum fuit. Veteres, ini-  
tio mensæ, primisue epulis, lactucam, ut  
solemus, nō proferebant, sed postremis,  
sicuti Martialis hoc disticho eleganter  
expressit,

" *Clandere quæ cœnas lactuca solebat auorum,*

" *Dic mihi cur nostras inchoat illa dapes?*

Cur postre-  
mis epulis

Quod, nec temerè, nec citra rationē fa-



ctum fuisse audies: cū enim lactuca frigida humidæque sit naturæ, si à cœna sumatur & summis epulis iniiciatur, somnū efficacius conciliat, vinique fumos halituosos promptius reprimat, ac ebrietati, inducta cerebro humiditate, facilius pugnat & obsistit. At nostra ætas, ab eius esu cœnas & prandia auspicari salubrius esse duxit, ex aceto, sale, & oleo conditam illam cibis aliis præponens, nimirum ut æstuantem venter recreet, & sopitam per calores appetentiam excitet, sanguinisque feruorem temperet, ac hepatis & cordis æstum mitiget. Ex quo mirum non est, si ebrietati aduersatur, & capitis grauitatem, quam Græci appposito vocabulo *καρβαρία* vocant, insita frigiditate sanat, vapores à nimio vini potu sursum elatos, & caput grauantes, retundendo ac discutiendo. Quod Q. Serenus poëta ac medicus præstabilissimus non omisit, hunc in modum scribens de curanda ebrietate,

" *Quidam lactucæ huic credunt prodesse sapor:*  
 " *Curandi modus hic, & suavis, & utilis idē est.*

Inde factum crediderim, ut lactuca à Ruffo Ephesio medico, *ἀκρεπάλη*, recte nuncupata sit: quod crapulā arceat, & omnē

*olim sumebatur lactuca.*

*Capitis grauitas & ebrietas.*



*Quibus pro-  
hibeatur &  
concedatur  
lactuce  
vsu.*

capitis noxam à vino contractam excu-  
tiant. Verum enim uerò, ea cautè utendum  
est: nam illius vsus immodicus, ut præ-  
monuimus, Veneris ignes extinguit.  
Quare his qui matrimonij capistris sunt  
alligati, parcus ac sobrius debet esse la-  
ctucarum cibus: nisi calorificis, ut eruca,  
nasturtio, mentha, sampsucho, & simili-  
bus, frigiditas illarum obtundatur, aut  
generosum vinum aliquod superbibatur.  
Qui verò cœlibatui addicti sunt, sacerdo-  
tes, monachi, vestales, & alij qui claustra  
sequuntur, calorifica excludere debent: ut  
pudicitiam illam tueantur, & prurire,  
vique desinât. Lactuca itaque consulto  
prius tēperamento, prudenter utendum  
erit: in qua Callimachus ἀλχηγορικῶς scri-  
psit, Venerem suum amasium Adonin  
abscondisse: ὅτι ἀδενεὺς εἶσι πρὸς ἀφροδίται ὁι  
συνῆως χρώμενοι ἰδρίδαξι: hoc est, ut Athe-  
næus exponit, quod imbecilles sunt ad  
Venerea, qui assiduè utuntur lactucis.  
Quare videant vxores, ne earum mariti  
nimum illis utantur. Hic non tacebo ra-  
rum experimentum & sæpenuerò mi-  
hi fœliciter probatū aduersus albas mu-  
lierum fluxiones, quod constat cremore



feminis lactucæ prius macerato in aqua  
 extinctionis chalybis, addito puluere e-  
 boris in tenuissimum pollinem redactio:  
 nō tacebo præterea, quòd semen lactucæ  
 in iusculo tritū & haustum, dormiēdi im-  
 potētiam expugnat: & folia in aqua hor-  
 dei cocta, lac potu mirandum in modum  
 augent, si postea mammæ blanda manu  
 fricentur. Addam, quòd si vehementer  
 caput incaluerit ab æstu, & hinc doluerit,  
 aceto miscebitur succus lactucæ, & eo fo-  
 uebitur, monitore Galeno. Et ad ardores  
 ac ambustiones, folia diligentissimè te-  
 rentur, & cum pane inducta, parti affectæ  
 admouebuntur, ac subinde cōmutabun-  
 tur, ne ibidem incalescant & obrigescāt.  
 Sed de medicis lactucæ facultatibus hæc  
 satis erunt, vbi admonuero quòd tam  
 manducata, quàm admota, æstus, necnon  
 ardores internos & externos, vt dixim⁹,  
 clementer mitigare & restinguere solet.  
 Cuius rei gnarus Antonius Musa D. Au-  
 gusti medicus incomparabilis, ad despe-  
 rationem redactus in curanda distillatio-  
 ne, qua optimus ille imperator, ob vitia-  
 tum iecur, vehemētissimè torquebatur,  
 contrariam medendi rationem inire fuit

*Alba mulie-  
rum fluxio-  
nes, somnus,  
lac, capitis  
dolor, ardor  
et ambustio.*

*Æstus tam  
interni,  
quàm ex-  
terni.*



*Lactuca ab  
Augusto no-  
bilitata.*

coactus, & ad lactucæ præsidia confu-  
re, sicuti paulò antè adnotauimus: quo-  
rum auspiciis cōualuit Augustus, & hinc  
lactucam summè nobilitauit.

*Brassica, & medica eius auxilia.*

A R E A I I.

*Brassica à  
priscis valde  
commenda-  
ta & lau-  
data.*

N O N sum nescius optimum illum, si-  
ne æmulo, agricolam M. Catonem,  
triumpho, censura, ac literis insignem,  
oleribus omnibus Brassicam anteposuis-  
se, & Plinium hortorum principatum ei-  
dem ascripsisse, adhæc Pythagoram eius  
laudes ante omneis celebraffe, ac Chri-  
sippum medicum, priuatū volumen per  
singula hominis membra digestum, de  
eadem composuisse, ipsūque Catonem  
eius facultates & medica auxilia populo  
Rom. vsque adeò fœliciter indicasse &  
præscripsisse, vt annis multis absque vllis  
medicis ac medicamentis aliis salubriter  
vixerit: verum enim uerò omnia hæc, ma-  
gna licet, me mouere non potuerunt (ob  
causas paulò antè memoratas) vt in hac  
medica hortensium historia, brassica an-  
te lactucam describeretur. Quæ vna, ob



insignem truncum & brachiatas virgas,  
 etiam Caulis nomen sibi asciuit, & nunc  
 demum nobis medicè excutienda venit:  
 sumpto initio à priscis M. Catonis de illa  
 experimentis aliquot. De iis itaque qui-  
 bus ægrè fluit lotium, & substillum est,  
 hūc in modum scribit. Sumito brassicam,  
 coniicito in aquam feruentem, coquito  
 paulisper, vti subcruda fiet: postea aquā *Substillum*  
 defundito, nō omnem, eò addito oleum *sen strangu-*  
 & salem, ac cumini paululū, inferuefaci- *ria, tumo-*  
 to paulisper, postea inde iusculum frigi- *res, vlcera*  
 dum sorbeto, & ipsam brassicam mandu- *& cancri.*  
 cato, ac quotidie id facito. Ad omnes tu-  
 mores & omnia vlcera, etiam inueterata,  
 brassicam cōtritā, quæ minutis est cau-  
 libus & foliis tenuioribus (Crambem vo-  
 cant) ille idē imponit: ac eodem præsi-  
 dio cancos purgat & sanos reddit: quod  
 facere non potest, vt scribit, medicamen-  
 tum aliud. Verū, prius quā imponat,  
 aqua calida multa lauat, aut vino tepido,  
 vt legit Macer, postea bis in die, cōtritā  
 admouet. Quo remedio etiam ad luxatā *Luxata, cō-*  
 & contusa, mammāsque vlceratas & can- *tusa, māmā*  
 crofas vtitur. Si vlcus acrimoniam ferre *vlcerata &*  
 non possit, farinam hordeaceam miscet, *cācrofa, nec-*  
*non articu-*  
*laris morb⁹.*



ac ita apponit : testatúrque articulare  
morbum nulla re æquè domari, atque  
brassica cruda, si eam concisam cum ruta  
& coriandro quis edat : aut salis mica &  
hordei farina mista , opportunè illinat.  
Quod herbularius poëta , versibus ali-  
quot complexus est, de M. Catonis bras-  
sicaria medicina, hunc in modũ loquens,

- » *Hordea quam dederint cauli miscere farinam*
- » *Idem præcepit, rutam quoque cum coriandro*
- » *Et sale per modico: sic omnia mixta terendo*
- » *Apponi diræ docuit cataplasma podagræ:*
- » *Hoc etiam morbo medicabitur articulorum.*

*Surditas, bi-  
lis atra, liē,  
cor, iecur,  
pulmo, præ-  
cordia, men-  
ses, oculi &  
boleti.*

Si auribus parum audies (inquit ille idem  
Cato) cum vino brassicam terito, succum  
exprimito, & tepidum in aurem instilla-  
to, citò intelliges. Si bilis atra est, si lienes  
turgent, si cor dolet, si iecur, pulmones,  
aut præcordia, vno verbo omnia sana fa-  
ciet brassica, quæ intus dolitabunt. Qui  
plura curiosè scire curabit, librum de Re  
rustica eiusdem consulat, illic inueniet  
quod placuisse queat. Sed hæc, inquires,  
magna ex parte non quadrant nostræ  
hortensi brassicæ, de cuius usu hodierni  
medici inter vtrunque volant. Causam  
alibi accipies. His sic positis, venio ad



geoponicos, apud quos lego brassicæ decoctum cum dulci vino haustum, mulieribus menses ducere: adhæc succum eiusdem cum optimo melle remistum, oculos iuuare, si illorum angulis admoueat. Quod si venenatos boletos quis ederit, potio brassicæ succo valde iuuabitur. Addunt præterea q̃ corpori alimentum ex ea multum præstari solet: adeo, vt pueri brassica vefcentes, citius adolefcere credantur. Succus cum vino albo ad dies xi, haustus, splenicis & iëtericos curat: quemadmodum in Rusticis paradoxis scripsit Paxamus Græcus. In quibus non omittit quod brassica alumini rotundo, aceto macerato permista, pso-ram ac lepram mundat: coctâque & præsumpta, voci atque arteriacis affectionibus medetur. Vnde vocis studiosi hac libentissimè vti solent. Folia perinde atque semen, cum sylphio & aceto trita ac imposita, morsum canis rabidi, vel alterius perfectè sanant. Et si contigerit à distillatione vuulam aut columellâ in guttur laxari, succus crudæ brassicæ summo capiti admotus, illam in sublimem oris partem reuocabit, solitumque locum re-

*Splenicis,  
iëterici, pso-  
ra, lepra,  
vox & ar-  
teria.*

*Canis mor-  
sus & la-  
xata vnu-  
la.*



*Succus melancholicus, os ventriculi, visus, viperarum morsus, et articularis morbus.*

*Ulcera, caput, menses, tumores, carbunculi, capilli, lienosis, gangrena & laterum dolores.*

petere coget: quod naturæ arcanis & secretis ascribendum est. Hactenus Græci geoponici. Medici vno omnes ore tradunt, brassicam frequenter manducatam succum melancholicum plus iusto augere: cuius substantia os vetriculi etiam lædit, & visum, vt mox dicemus, obtenebrat: quare illa, nisi vrgente olerum meliorum penuria, mensis excludenda est salubribus. Crudus eius succus cum vino potus, viperarum morsibus auxiliatur: & cum fœni Græci farina illitus, podagris ac vitiis articulorum præsentis est remedio. Idem prodest sordidis ac vetustis ulceribus, sed impermixtus: qui etiam naribus immixtus caput purgat, & cum loliacea farina pudendo muliebri inditus, menses trahit. Folia per se illita, aut cum polenta trita, conferunt inflammationibus ac tumoribus, & ex sale carbunculos rumpunt, fluentesque capillos retinent. Eadem folia cruda, ex aceto profunt lienosis, & addito melle cocta, plurimum pollent aduersus ulcera depascētia & gangrenas. Virētes cauliculi cū radice cremati, & vetusto porci adipe excepti, diuturnos laterū dolores mitigāt. Quod poëta herbu-



herbularius nec ignorauit, nec omisit,

„ *Cum Veteri pingui (inquit) cineres caulis bene triti,*

„ *Profunt ad Veteres lateris, coxæque dolores.*

„ *Sit licet hæc vilis, tamen est medicina salubris.*

Si humētem aluum siccare volueris, vbi *Quomodo*  
mediocriter ebulliisse videbitur brassica, *coquenda*  
priore aqua effusa, repentē aliam calen- *brassica ad*  
tem ei iniicies, atque ita rursus illam dif- *mouendam*  
coques, vsquedum tenera, flaccidāque *aluum, &*  
euaferit: quod non fit cū ventris sub- *continendā.*  
ducendi causa sumitur. Hinc emerfit Sa-

lernitanum illud,

*Ius caulis soluit, cuius substantia stringit.*

Hæc omnia, & plura, versiculis aliquot  
paulò elegantioribus, Eobanus Hessus,  
pulchrè & ingeniosè sic est complexus,

„ *Brassica vētris onus bis cocta, comestāque sistit:*

„ *Sed semel & modicè cocta, resoluit idem.*

„ *Profuit hanc succo conspergere pinguis oliuæ,*

„ *Lac auget, multū seminis esse facit.*

Nō putauī hoc loco prætereundū, quòd *Lac, sterma*  
omnis brassica, vt diximus, oculis admo- *oculi, sō-*  
dum officit. Quæ res lucubrantibus, & li- *mnia, &*  
*puerpera.*  
terarum studiosis est imprimis notanda.  
Parum nutrit, & somnia terribilia parit,  
ob humorem melancholicum, cuius pa-

C



*Ebrietas,  
crapula &  
grauedo.*

rens, vt monuimus, illa esse solet. Porro, scitu indignum non est, quod Athenis olim brassica in cibo parabatur puerperis, amuleti cuiusdam vice, vt author est Athenæus. Tradit præterea Suidas, priscos in cōuiuiis crambem adhibuisse, sed recoctam, adeò vt nauseam adferret, ex quo Græcis in prouerbium abiit, *δὲς χρῆμα δ' ἀνάτος*. Inest brassicæ vis peculiaris contra ebrietatem: cuius noxas non solum ante cibum & à cibo sumpta impedit, sed etiam crapulam & grauedinē inde obortam tollit ac discutit. Cuius rei duos è multis testes & autores profereamus. Marcum Catonem imprimis, hominum, vt scribit Plinius, in omni rerum vsu summum & maximum. Si voles, inquit, multum in conuiuiis bibere, cœnareque libenter, crudam brassicā ante cœnam esto quātum voles ex aceto: & item vbi cœnaueris, esto quinque folia, reddēt te quasi nihil ederis ac biberis, bibēsque quantum voles. Testem dabimus secundum, Cl. Gal. scribentem, folia brassicæ calida aqua macerata, & capiti circumposita, ebrietati naturaliter resistere: quod mirabili fit oleris huius cum vino antipa-



thia, vt admonuit Agrius apud M. Var-  
ronem. Ex quo non temerè scripſiſſe mi-  
hi videtur Athenæus, vineas in quibus  
naſcuntur braſſicæ, languidiuſ vinū crea-  
re, vſque adeò illis pernicialia ſunt cum  
parente & filio, hoc eſt cum vite & vino,  
odia, ac diſſidia. Hinc nimirū Theopha-  
ſtus, viam vitem, oleris huius odore fu-  
gari, rectiſſimè adnotauit: & Plinius, vi-  
num in dolio huius ſapore & odore cor-  
rumpi, ſed betæ foliis demerſis reſtitui.  
Quo argumento, Androcydes ſapientia  
clarus, vt idem tradit Plinius, braſſicam  
cōtra ebrietatem, vt præmonuimus, ma-  
ximè pollere dixit: atque hinc Ægyptij  
vini, vt ſcribit Suidas cum Athenæo, ma-  
gnoperè amantes, omnibus eſculētis co-  
ctam braſſicam olim in cibatu præmitte-  
bant, & primum in ſympoſiis ex eius ole-  
re ferculum faciebant, ad inhibēdam vi-  
ni noxam & crapulam. Quorū veſtigiiſ,  
defixo (vt aiunt) pede, cū alij, tum præ-  
cipuè Germani inhaerere mihi videntur:  
braſſicam ſuis cibis & mēſis anteponen-  
tes, & quandoque poſtponentes, vt do-  
loſas vini inſidias fallant: quod manu æ-  
què liberali propinare conſueuerunt, at-

*Mira braſſi-  
ca odia cum  
vitis &  
vino.*

*Ægyptij.  
vini aman-  
tes.*



*Germani  
laborum pa-  
tientissimi,  
sed suis im-  
patientes.*

que impigro gutture haurire, laborum  
alioquin patiētissimi, sed sitis admodum  
impatientes. In quam rem cum nostro  
Geruasio Marstallero Brisgoico, Germa-  
no mihi amico & vnde quaque erudito,  
sic ludere aliquādo solebam, dum nobis-  
cum ageret,

„ *Germani varios norunt tolerare labores:*

„ *O vtinam possent tam bene ferre sitim.*

*Furfures,  
lac, ambu-  
sta, impeti-  
gines, oculo-  
rum fluxio-  
nes, poda-  
gra, phle-  
gmone &  
eryspelas.*

Quæ restāt animaduersione digna sunt.  
Cinis caulium brassicæ & eorundem de-  
coctū, caput à furfuribus emundant si il-  
lis abluatur. Et fots vberum ex iusculo  
brassicæ tepido, lac auget: cinis præterea  
cum albumine oui, ambustis auxiliatur:  
& aqua quæ ex eius caule, dum aduritur,  
stillat, recētes impetigines delet, non se-  
cus quàm cortex radicis oxylapathi com-  
māducatus & eisdē illitus. Addam quòd  
brassica cum tenui polentæ polline trita,  
& ex aqua rosacea oculis apposita, calidas  
illorum fluxiones emendat: & si foliis co-  
ctis ac tufis fēcem aceti addideris, crudo-  
rūmque ouorum lutea duo, cum pauco  
rosaceo, & omnia accuratè miscueris, te-  
pesceris, admoueris, continuè mutaue-  
ris, præstantissimum experieris reme-



dium aduersus podagræ insultus & accessiones. Eadem brassica per se, vel cum axungia trita, phlegmonis induratis & erysipelatibus valde idonea cēsetur esse, hoc modo : Partes affectæ rhodelæo fountur, & materia tusa in cataplasmate fasciis alligatur. Nihil mihi video superesse in hac medica brassicæ historia, nisi ingens & minimè vulgare naturæ miraculum, quod tacendum non est : nempe hoc olus, quò vitem fugari diximus, cyclamino & origano aduersum, perarescere : naturali & occulto odio, quo plātæ illæ brassicam non minùs prosequuntur, quàm vitem & vinum brassica, & cōtrà. Hinc absurdum videri nō debet, quòd si feruescenti & ebullienti brassicæ, paululum vini generosi guttatim quis instillauerit, non ampliùs coquetur illa, sed suis viribus defuncta, mutato colore corrūpetur, quemadmodum adnotauit Paxamus ex Græcis geoponicis vnus. Quibus ex rebus appositè colliges, eos qui vinū multum bibere volunt, & potandi certamine victores coronari cupiunt, crudam brassicā cibis anteponere debere, ne temulentia, ut paulò antè diximus, tenten-

*Vinū brassicæ cocturā impedire.*



*Historia,  
notatu di-  
gna, sed non  
imitanda.*

tur. Quod se præsente factū fuisse à quodam docto & philosopho homine, autor est Gulielmus Gratarolus medicus præstantissimus, in libro de tuenda valetudine. Nam dum is in cōuiuio accumberet, probatis & acceptis inuitātium omnium poculis, perstrenuè potauit: quòd foliolum crudi caulis rubescentis præsumpsisset. Hæc de brassica satis, vbi addidero, illam nascētem in locis aridis & siccis, terrestrem esse valde & adstringentem: in calidis verò & humidis, contrà. Adhæc Raphanum Græcis etiam *κράμβη* dictū, iisdem viribus pollere, quàm brassica: quēadmodū proprio loco explicabimus.

*Apium hortense, seu Petroselinum, &  
medica eius auxilia. A R. III.*

*Ignis sacer,  
calculi, vrinæ  
et rene.*

**A**PIVM satium, Græcis *σέλινον*, vulgò Petroselinum, & nostratibus Persilium dici consuevit: cuius facultates & medica auxilia hîc nobis sunt paucis explicanda. Florētinus in suis Græcis georgicis, vt hinc auspicer, tradit Apium cum pane, cataplasmatibus vice impositum, facris ignibus mederi: eius verò decoctum, calculos, insidentibus deturbare, & fotu idem præstare. Adhæc vrinæ difficultati-



bus, & ægrotantibus renibus, tam folio, quàm radice auxiliari. Quod ab herbulario poëta etiam adnotatum fuisse reperio, vbi de apij planta sic scribit:

- „ Prouocat vrinæ hæc cruda comesta, vel hausta:
- „ Sed magè radicum faciet decoctio sumpta:
- „ Hoc itidem semen operatur fortius haustum.

Subdit præterea idem Florentinus, sugillata colori reddere, si eius semine decocto foueantur, mammarumque duritias, foliis attritis & impositis emollire. Plinius semen cum oui albo illitum, aut ex aqua coctum & potum, renibus mederi scribit: ac in frigida tritum, oris vlceribus prodesse: necnon cum vetere vino, vesicæ calculos frangere: quod etiam præstat radix. Datur ictericis idem semen ex vino albo, & iis mulieribus, quibus statim menses non procedunt. Radicibus in iusculo coctis, vel acetariorum modo ex oxelæo apparatus licebit per hyemem, veris initia, & autumnii finem, potiùs vti, quàm æstate: idq; prædij, vel cœnæ principio: quoniam materias à superioribus ad inferiora, vrinam proritando, euocât, ac vehiculi modo deducunt. Sed hoc loco nequaquam dissimulandum est, quòd

*Sugillata,  
mammæ, re-  
nes, oris vl-  
cera, calcu-  
lus, icterici,  
et mēstrua.*



*Colicus do-  
lor, flatus &  
inflationes.*

non solùm renibus medetur hortulanũ apium, sed etiam colicis cruciatibus & aliis qui ex flatuoso spiritu egressum non habente generatur. Prætereà, quòd succus apij cum melle bibitus, coagulatum in vētriculo sanguinem, vomitu exhaurit. Et semen eiusdem coctum in aceto & aqua, lotium remoratũ elicit: plantaque ipsa cõtusa, & in vuluam missa, fœtum cum secūdis trahit. Quòd si bibatur succus eiusdem, vterus à superfluis humoribus purgabitur. Dioscorides ad nullum determinati morbi genus apium applicat, sed omnibus indifferenter inflationibus vtile esse pronuntiat: sic de eo simpliciter scribens, Soluit inflationes. Tradit nihilominus petroselino vires cõtra colũ intestinum, vt diximus, validas inesse: adhæc cõtra stomachum, sic loquẽs: Petroselinon stomachi & coli inflationibus, torminibúsq; medetur. Cui subscribit Galenus, tradens insuper, ori sanè quàm gratũ esse. Plinius incoctũ, aquas potu suauiores reddere prodit: & Florẽtinus Græcus, in cibo sumptũ facere, vt propriæ vulnerum fluxionẽs magis pronæ deferantur. Oculorum tumores, vti

*Stomachus,  
tormina,  
vulnera, o-  
culorum &  
mammarum  
tumores.*



etiam mammarum, succus eius mica panis candidi exceptus, emendare solet ac tollere. Quod non prætermisit herbularius poëta, sic de apio rursum scribens,

- „ *Illius succo si candida mica terendo*  
 „ *Panis iungatur, oculis sedare tumorem*  
 „ *Dicitur, emplastri, noctu, superaddita more:*  
 „ *Sicque ferunt mammis prodesse tumētibus illā.*

Penè omittebam, quòd neutrum apium (de mare loquor & fœmina) Chrysippus medicus & Dionysius, cibis admittendum censent (licet Plinij tēporibus, vt etiam hodiernis, per iura largis portionibus innataret, peculiarēque gratiam condimentis accerferet, ex quo ἐνοσίμωον Theophrasto vocatur) quoniam epulis feralibus, vt volunt, dicatum sit, & ob id nefastum habitum. Vel, vt Plutarchus scribit, quòd apio sepulchra coronentur: vnde vetus illud prouerbium, *Apio indiget*: de eo qui desperata sit valetudine. Sed hæc nihil ad apij nostri facultates: Caule fœminini vermiculos innasce tradunt: creduntque eos in sexu utroque sterilescere, qui ederint: adhæc, in puerperiis comitiales fieri, qui post apij cibum vbera hauserint: innocentiorē tamen esse ma-

*Cur olim  
apium cibis  
damnatum  
sit.*

*Sterilitas et  
comitiales.*



rem affirmât, vt Plinius scribit, veterum  
sententia & testimoniis fretus. Quibus  
ex rebus mirandum non arbitror, si re-  
centiores medici, ex Auicennæ consilio,  
comitialibus seu epilepticis apio interdi-  
cant, ac contendunt quòd illorum paro-  
xysmos moueat & excitet: atque ea causa  
Græci infantulorum nutricibus, & gra-  
uidis, puerperisq; apium in cibo prohi-  
beant. Quanquam alia etiam potest sub-  
esse causa, nimirum quòd fœmininos fon-  
ticulos reficcet, lactisque prouentum ne-  
get, ac videntes ad libidinem proritet.  
Sed ne, quæso, hîc intactum relinquatur,  
quòd apiû, Celso inter ea quæ reprimunt  
& refrigerant collocatum, febrium ardo-  
res ex oleo inunctum, refrigerare, à mul-  
tis non infœliciter expertum fuit. Quod  
etiam à Q. Sereno confirmatû scriptum-  
que audies ad hunc modum:

Nutrices,  
granida,  
puerpera,  
lac & li-  
bido.

Febriles ar-  
dores.

- „ Sin autem calidæ depascent corpora febres,
- „ Tunc apij succus leui soluatur oliuo:
- „ Membra line, fotûque ferus mulcebitur ignis.

Oris & ha-  
litus suavi-  
tas.

Cætera de apij facultatibus conticebo,  
nisi quòd pisces ægrotantes in piscinis,  
illo summè recreantur ac refocillantur.  
Ad hæc, quòd nihil æquè oris suauitatem



commendat, atque recens apium & viri-  
de commanducatum. Quod meritoria  
mulieres pleraque non ignorant, apium  
mandentes & circumferentes, vt virus te-  
tri odoris, quo imbuuntur, fallant, & sua-  
uiorem auram spirent. Hanc de apio me-  
dicam historiam penè claudebam, cùm  
tria percommode mihi in mētem vene-  
runt. Primum est, quòd apium mandu-  
candum non est vbi scorpionum ictus ti-  
metur: sicuti adnotauit Alubater scri-  
bens ad Almanforem Sarracenorum re-  
gem. Secundum, quòd coci acetum suis  
obsoniis apio, & cellarij grauem odorem  
vino, in faccis eximere solent, Plinio au-  
tore. Tertium, quòd petroselinum, hip-  
poselinum, eleoselinum, oreoselinum &  
apium rusticum, adeò congeneres sunt  
plantæ, ac tanta virium affinitate con-  
iunctæ, vt altera alterius nomen apud rei  
herbaria autores quandoque sibi arro-  
get. Quod ad hipposelinum attinet, ego  
sanè illud (vt id obiter adnotem) apposi-  
tè à Gaza equapium interpretatum fuis-  
se mihi aliquando persuasi, non ob infi-  
gnem magnitudinem, vt multis visum  
est, sed quòd equis ociosis & defatigatis,

*Tria sum-  
mopere no-  
tanda.*



*Equorum  
ocioforum  
& fatiga-  
torum re-  
media.*

salubre sit ac gratum pabulum. Quod non ignorans ter maximus ille Homerus, Achillem ociosis equis legatorum Vlyssis & Phœnicis, palustre apium, aut si mauis eleoselinum, quod nonnulli paludapium vertunt, non temerè exhibuisse scribit. Cuius rei causam Plutarchus in Symposiis reddidit, quòd vacantes à labore consueto equi, pedum vitio offendantur, cui præcipuum remediũ, apium esse tradit. Quo loco illud cum eleoselino & hipposelino, ob virium & auxiliorum cognationem ac similitudinem, cõfundit. Hactenus de hortensi apio & petroselino.

*Portulaca, & medica eius auxilia.*

A R E A I I I I.

*Fluxiones  
biliosæ, &  
febris ar-  
dens.*

PORTULACA ex hortensibus vna est quæ omnium ferè iusculis suo tempore innatat, & pauperum ac diuitum mensas, oleo, sale & aceto condita, inchoat. Frigida est & humida, quapropter fluxiones biliosas ac feruentes, commutãdo & refrigerando emendat, febríque ardente conflictatis summè opitulatur. Quod poëtæ herbulario non fuit occultatum,



de illa hunc in modum scribenti,

- » *Humida vis eius & frigida dicitur esse.*
- » *Vnde iuuat febrem quam dicit Græcia causum,*
- » *Trita super stomachum viridis si ponitur herba:*
- » *Præstat idem succus si sumitur, herbâque māsā.*

Dentibus qui stupore obtorpescunt ab esu acidorum, austerorum, vel frigidorum, mansa remedio esse solet, ignibûsque sacris auxiliatur, ac Veneris impetus & somnia frangit. Capitis dolores infolatione contractos, cum rosaceo mitigat, & vulneribus syderatione periclitantibus, efficaciter cum polenta inungitur. Prætereà infantibus vmbilico prociduo laborantibus, salubriter apponitur, ac dentes mobiles commanducata stabilit: orisque ac tonsillarum vlcera, & gingiuarum tumores suo opportunè sedat succo. Animalia ventris rotūda ex decocto, vel stillatitia aqua pellit, ac dysentericos ex vino hausta liberat. Vnde idem poëta,

- » *Mansa, vel hausta potest nimium restringere fluxum*
- » *Sanguinis, & ventris largum cohibere fluore.*

Leontinus Græcus, ex geoponicis vnus, scribit folium portulacæ linguæ subditū, his qui siti cruciantur, bibēdi desiderium

Dentiū stu-  
por, ignis sa-  
cer, Venus,  
somnia, ca-  
pitis dolor,  
vulnera,  
vmbilicus,  
dentes, ton-  
silla, gingi-  
ua, lumbrici  
et dysente-  
ria.

Sitis, verru-



*ea, podagra  
ſt mamma.*

*Febris are  
dens, oris  
ulcera, fiſ-  
ſura labio-  
rum, vulne-  
ra, hamor-  
rhagia, ſpu-  
tum ſangui-  
nis & ven-  
triculi ar-  
dor.*

reſtinguere, & verrucas multorum die-  
rum illitu tollere: quod etiam non omi-  
ſit Plinius: docens inſuper, mammarum  
& podagrę inflammationes, ſucco portu-  
lacę cum melle, aut creta cimolia, ſanari.  
Qui frigido ſunt ventriculo, vim portu-  
lacę frigidam, mētha, ſœniculo, aut ſimili  
quapiam herba calorifica debent obtun-  
dere. Sed, ô me obliuiouſum! penè omit-  
tebā quòd portulaca miraculo quodam  
demulcet febres æſtuātes, trita cum hor-  
dei farina, & hypochōdriis ac hepati ad-  
mota. Adhæc, quòd melli intincta, com-  
manſa, & ore retenta, aphthas ac oris vl-  
cera valde emendat. Inſuper, quòd ſua  
radice ſiccata, & cum melle trita in for-  
mam vnguenti, fiſſuras labiorum, par-  
tiūmque aliarum non minùs adiuuat,  
quàm vulnerū dolores, ſi illis cum oleo  
& polenta impoſita fuerit. Quæ ſi per-  
coquatur, ad hæmorrhagias & ſanguinis  
profluuia ſummè efficax habetur. Poſtre-  
mum id erit. Experti ſunt veteres, quòd  
ſuccus portulacę ſputa ſanguinis mirifi-  
cè compeſcit: imò verò portulaca ipſa  
quouis modo miniſtrata. Quæ ſi cum  
aceto manducata fuerit, ventriculi ardo-



ribus valde commodabit.

*Beta, & medica eius auxilia.* A R. V.

**C**LAVDIVS Galenus hoc olus nitro-  
sa facultate dotatum esse censet, qua  
etiam sordes eluit ac discutit: quæ vis in *Sordes, ven-*  
candida beta efficacior est, adeò vt ven- *tris excre-*  
trem ad excernendum inuitet, ac stoma- *tiæ, stom-*  
chum sensu exacto præditum mordeat & *chus Et he-*  
vellicet, cum nonnulla hepatis iactura. *par.*  
Quæ duo postrema, versiculis duob<sup>9</sup> ele-  
gantissimis sic expressit Eobanus Hessus,  
" Cruda nocet beta, hanc coctâ sumpsisse iuuabit:  
" Sûpta frequens stomachũ vellicat, atq; iecur.  
Diphilus medicus geoponicus tradit, be-  
ta cãdida aluos solui, & rubra vrinas pro-  
ritari. Sunt qui nigram vituperent, quòd  
atrabilarium sanguinem gignat. Succus  
naribus inditus, caput purgat: infusus,  
aurium dolores sedat: illitus, dentium  
cruciatus compescit. Si caput succo illius  
detergeas & confrices, à porriginè & pi-  
tyriasi vindicabis: & si radicis succum na-  
ribus iniicias, dentium cruciatus emen-  
dabis. Si decocto perniones fouebis, eos  
mitigabis: si folia coxeris, ambustis me-  
deberis. Addam quòd vsus betarum fre-

*Aluus, vri-  
na, caput,  
aures, dentes,  
porrigo, p-  
niones, am-  
busti, nyctala-  
lopes, vul-  
narum vi-  
tia & ven-  
ter.*



quens nyctalopibus est utilis: & si cum atriplice illarū decoctum vuluis ritè infundatur, earum vitia corrigit. Beta nigra seu rubra coquitur cum lente lubrico ventri cohibendo, quem, vt diximus, cādida soluit: quæ cocta, & cum allio crudo sumpta, intestinorum tineas abigit.

*Vermes, iecoris obstructions, lienosis, & flatus.*

Iecoris obstructionibus aptiùs q̃ malua accommodatur, maximè vbi cum sinapi, vel aceto estur: lienosos similiter māducata, mirificè iuuat. Vnde quis eam medicamentum potiùs quàm alimētum dixerit, vbi hoc modo manditur. Menander, vnus ex schola Græcorum geoponicorum & medicorum, tradit radices betę tostas, tetrū allij odorem ac virus extinguere, si supermanducētur. Quæ rubras

*Quale nutrimentum à beta.*

vel subrubras habent radices, vt valentiùs nutriunt, ita sanguinē gignunt longè crassiorem quàm folia: illudque insuper obtinent, quòd flatus facilè pariunt, cūm facilè per aluum alioquin descendant. Huius oleris, sicuti aliorum, exigua est alimonia: quòd si largiùs sumatur, stomachum, vt paulò antè dicebamus, infestat & mordicat. Tacendū non est, quòd sicuti à brassica vini sapor (vt suprā docuimus)



cuimus) in dolio facilè corrumpitur, ita odore betę, foliis eius demersis, facilè reparatur. Caterùm si acetum subitò facere voles, tusam betę radicem in vinum conicies, post horas tres in acetum degenerabit: quod si voles in pristinũ statum restitui, brassicę radicem indidisse satis erit. Sed hæc ad nostra vinorum secreta & auxilia releganda erant: quorum participes nunquam fient cœnopolæ, nisi vina in multorũ perniciem temerè confundere & perditè turbare desinant.

*Vinum & acetum.*

*Blitum, & medica eius auxilia. AR. VI.*

**S**TOMACHO inutile olus censetur esse blitum, v̄trem adeò turbans, vt choleram morbum aliquibus faciat, & alui fluxiones vomitionesq; cum intestinorũ torminibus, mota bile excitet: quod de immodico & assiduo eius vsu dictum accipies. Vnde à Plinio iners olus nuncupatur, & à poëta Hesso ignauum, ac ventri mouendo duntaxat vtile,

*Venter, cholera, alui fluxio, vomitus & tormina.*

„ *Ignauum (inquit) sine honore blitum, sine viribus estur,*

„ *Hoc solo, ventrem quòd bene deiiciat.*

Hinc fortasse fit, vt homines inertes &

D



*Blitū igna-  
num & fa-  
tuum olus.*

inutiles *Bliteos* prouerbialiter vocēt Gal-  
li. Sed hīc prætereundum non est, quòd  
prisci cum blito betam confuderunt: vn-  
de Martialis hanc fatuam, seu insipidam  
hoc disticho appellauit,

„ *Vt sapiant fatuæ fabrorum prandia betæ,*

„ *O quàm sæpè petet vīna, pipérque coquus!*

*Furfures &  
ambusta.*

cū re vera sapore sit nitroso, & non fa-  
tuo, aut insipido, vt blitum. Vnū & item  
alterum bliti auxilium omittebam. Prius  
est, quòd aqua decoctionis eius, & maxi-  
mè rubri, cum suis radicibus, furfures ca-  
pitis amolitur. Posterius, quòd folia sub  
cineribz cocta, vel elixata, ambustos sum-  
mè iuuant.

*Oxalis seu Acetosa, & medica eius  
auxilia. AREA VII.*

*Oxalidis  
usus ad ex-  
citandam  
appetitiā,  
& alia.*

**O**XALIS ab acido succo nomen habet,  
vnde apud multos *Acetosa* dici solet,  
& vulgari nomēclatura *Oxella*. Duorum  
est generum, maior, & minor. Vtraque  
iuribus affatim innatare cōsuevit, & sin-  
gularē gratiam in acetariis habere. Quin  
& carnibus intingendis iucundum succi  
viridis accrementum subministrat: nec  
aliud in obsoniis maiorem sibi vendicat



autoritatē: quam de multis in illa talem  
 sum expertus, quòd carnes quantumuis  
 duras, coriaceas ac peruetustas, esui aptas  
 reddit ac teneras, si illi concoquantur &  
 prēmaceratæ elixentur. Nam lubricæ &  
 humentis est naturæ, quâ dura emollit:  
 Quæ facultas cum multò validior & ve-  
 getior sit in oxylapatho & lapatho, ita  
 rem eam certiore cum illis sum affecu-  
 tus, quàm cum hortensi oxalide, quâ  
 nihil frequentius vbique ad irritandam  
 appetentiam, si langueat, aut mitigandum  
 vetriculi vel hepatis æstum immodicum,  
 si opus sit. Quod poëta herbularius nec  
 ignorauit nec omisit: de Oxalide, hunc  
 in modum scribens,

Ventriculi  
& hepatis  
æstus.

- „ *Hanc auidè multi comedunt in tempore Veris:*  
 „ *Expertumque ferunt sibi quòd fastidia tollat.*

Semen vtriusque tritum ex aqua aut vi-  
 no, vtiliter bibitur contra dysenterias, &  
 cœliacorum affectus, ac stomachi fastidia  
 & nauseas. Radices ex aceto coctæ, aut  
 crudæ illitæ, lepras & impetigines sanāt:  
 sed antea locus aceto & nitro in sole est  
 perfricandus. Sunt qui planta tota effica-  
 citer vtantur (sicuti etiam aizoo mino-  
 re) aduersus erysipelata & herpetas, nec-

Dysenterici,  
cœliaci, nau-  
sea, lepra,  
impetigo,  
erysipelas,  
herpes &  
oculi.

D ij



*Podagra,  
cephalal-  
gia, Et fluor  
muliebris  
ac ventris.*

non tumores oculorum in cataplasmate:  
prætereà aduersus calidas podagras cum  
polenta, & antiquos capitis dolores, cum  
rosaceo. Fluxum muliebre vtero ap-  
posita, cōmodissimè sistit, vt tradit Dio-  
scorides: sed non menstrua, seu lunares  
fœminarum purgationes, vt vult poëta  
herbularius. Ex quo etiã addimus quòd

- „ *Omne genus fluxus ventris restinguere mirè*  
„ *Cum vino potata solet, vel mansa frequenter.*

*Pruritus,  
dentes, stru-  
me & re-  
gus morb⁹.*

Decoctum radicū eius, pruritus corpo-  
ris sedat, si eo foueatur aut confricetur  
corpus in foliis balnearum: mulcet insu-  
per dentium dolores cum vino. Nōnulli  
in strumis amoliendis radicum gestami-  
ne vtuntur, eas collo appendentes: quæ  
etiam cum vino potet, regio morbo auxi-  
liatur. Verum, hæc omnia efficacius præ-  
stare solet oxylapathi radix. Apuleius ad

*Abscessus  
aut bubo  
inguinum  
Et malacia.*

abscessum qui fit in inguine, oxalidē con-  
tundit absque sale, cum veteri axungia,  
quæ dupla esse debet ad herbam: iis que  
probè commixtis, pastillum concinnat,  
quem folio caulis inuolutum sub calidis  
cineribus sepelit, & mox abscessui aut  
buboni calentem applicat, lineo que pan-  
no tegit, & colligat. In vino austero cocta



& potata prægnantium malaciam & deprauatam appetentiam emendat: quod etiam præstat citrij decoctum. Non tacebo quòd radix aqua incocta, vel macerata, rubelli vini colorem mētiri solet, grata & salutarī febricitantibus impostura. Folia papyro vestita, & sub calidis cineribus igneum teporem experta, necnon pauco rosaceo excepta, quosuis tumores ad suppurationem facilè mouent. Noui quendam qui omnes dysenterias in paruulis, ad hunc curabat modum. Oxalidem forti aceto macerabat, deinde stuppis eodem aceto intinctis, sub calidis cineribus modicè decoquebat, postea succum exprimebat, & calidū propinabat. Penè omiseram, quòd oxalis mirabilem habet energieam aduersus luem pestilentem, si ex aceto macerata, matutinis sumatur horis: fœlici experimento probatum, quemadmodum locis multis ostendimus in nostro opusculo de Peste. Hoc postremū sit, Nostrates mulierculæ in febrium ardore contusam oxalidem carpo manuum vtiliter imponunt.

Tumores,  
suppuratio,  
paruulorū  
dysenteria,

Pestis &  
æstus febrilis.

*Spinacea, & medica eorum auxilia.*

AREA VIII.

D iij



SANE mirandum est, spinacea olera veteribus incognita fuisse, cum & pauperum & diuitum mēsas onerēt per verna ieiunia, ac eosdē inferciant & saturēt.

*Alui lubricatio et flatu.*

Aluum emolliunt, & corpus humectant, flatūsque colligunt, nisi humor excrementitius abiiciatur, & calidis rebus admotis emēdetur. Cæterum, quia in istorum olerum cibaria præparatione & esculenta, à multis peccatur, ideo illā paucis hoc loco ostendisse, inutile fortassis non erit. Abiectis radicum capillamentis citra aquam elixari postulant, nam magnam vim humoris inter coquēdum effundunt, proprioque iure contenta, alienum aspernantur: aliter si coquas, nativum illorum succū perdis ac temerē inebrias. Abacto post elixationem lentore, ligneo cultro, aut aliter, percutiuntur, & subinde versantur, postea in manuales globos & offas herbaceas (expressa penitus sanie) rediguntur, ac patinis ex oleo optimo vel recenti butyro, diligēter frīguntur, addito omphacio & piperis tusi momento, ut magis palatum titillent, & flatulētam humiditatem exuant. Sed hīc medicum agimus, non coquum: quare,

*Quomodo sine coquenda et asperanda spinacea.*

*Notanda et in usum veniēda.*



quæ medicorum sunt promittamus, & sua tractent coquinalia coqui.

*Borrage, & medica eius auxilia.*

A R E A I X.

**B**ORRAGO, quæ verum & legitimum buglossum multis esse creditur, foliis suis, obsoniorum iuribus salubrem & peculiarem addit gratiam: éstque hyeme apud nonnullos eius radix, foliorum vice, quoties anni tépus illa denegat. Flos æstate in acetariis summè gratus habetur. Olus hoc, suavi suo odore (nã pepo- nem iucundissimè subolet) vires recreare solet, ac animi voluptates, vt tradit Galenus in vino augere. Ex quo Græci ὀφρόσσυον, hoc est oblectans & lætificans, scitè admodum nuncuparunt: adhæc ῥύ- πινος, id est tristitiam discutiēs. In quam rem alludit vulgaris versiculus,

„ *Dicit borrago, gaudia semper ago.*

Tradunt plátam hanc vtilem esse aduersus horrores febrium, eiúsque radicem quæ treis emiserit thyrsos, cum semini- bus tritam, & ex vino decoctam, tertianis prodesse: quæ quatuor, quartanis, quod etiam cõfirmat Discorides. Alij testátur

*Borraginæ vires ac animi voluptates recreare.*

*Febris tertiana, quartana, abscissus, tussis.*

D iij



Febris, cho-  
lera rubra,  
pulmonarij,  
cardiaci, is-  
chiatrici, &  
memoria.

abscessibus valde accommodam esse. Galenus illos, qui ob faucium asperitatem tussunt, decocto eius in melicrato summè iuuari scribit. Plinius addit, quòd si quis borragine aut buglosso inarescente, medullam è caule exemerit, alligauerit, que septē folia ante accessionem, à febre liberabitur. Poëta herbularius ex Arabum placitis etiam adducit,

- ” Quòd choleram rubram nimio feruore perustā
- ” Purgat, cum vino fuerit si sumpta frequenter:
- ” Humores nocuos pulmonis detrahit hausta,
- ” Mixtus aquæ tepidæ si succus sumitur huius.

Partus &  
eius purga-  
tio.

Subdit prætereà, quòd cardiacis valde prodest, & iis qui coxēdicum labores patiuntur: adhuc, quòd vino sæpè immersa, memoriam reddit illæsam ac vegetā. Hic non tacebo quod expertū audiui: Si mulier post partum non potest liberè purgari, propina illi succum borraginis, porrorum & petroselini, cum vino, vel oleo dulcium amygdalarum, & videbis rē admiratu dignam. Si addideris suffitum ex cornibus & vnguibus capræ, vterum valde commouebis ad excludendum excrementitias gestationis reliquias.



*Asparagi, & medica eorum auxilia.*

## AREA X.

**H**ic mihi monendus est lector, quòd Græci germina herbarum & fruticum ante florem erumpentia, nomine largè sumpto, asparagos nuncupare solent. Sed nos hoc loco agimus, duntaxat de iis asparagis qui satiui sunt & altiles, quique propriè ac peculiariter id nominis sunt adepti. Horum cibus stomacho vtilissimus esse traditur: cui si cuminum vel anisũ addatur, alui & coli inflationes discutiet, vrinas mouebit, ac calculos exturbabit. Sunt qui ad vuluæ dolores radicem cum vino dulci propinent, & negent ab apibus illum posse pungi, qui asparagis cum oleo tritis perunctus fuerit. Plinius pectoris & spinæ doloribus summè prodesse scribit, ac Venerem stimulare, & ventrem leniter mollire. Sed ante alios cibos debent sumi. Vnde maximo-perè peccant, qui postrema mensa illos apponunt. Dioscorides assos aut elixos, vrinæ stillicidium, difficultatémque, ac dysenterias mitigare tradit. Galenus verò renes ac iecur infarctu liberare, maximè radice & semine. Quod Q. Serenus

*Stomachus,  
inflationes  
alui & coli,  
vrina, cal-  
culus, vul-  
na pectoris  
ac spinæ do-  
lor, Venus  
& venter.*

*Straguria,  
dysuria, dy-  
senteria, re-  
nes & ie-  
cur.*



in sua illa celebri remediorū poëtica syl-  
ua non omisit, hunc in modum scribens  
de lumbis & renibus sanandis,

” *Aut caput asparagi cum vino sume vetusto,*  
” *Seu manus appone: modus conducit uterque.*

*Vrina &  
dentes.*

Radici decoctum agrè meientibus pro-  
dest, ac dentibus excruciatīs medetur, si  
qua dolent parte contineatur. Non de-  
sunt qui canes necari scribant, hausto  
asparagi iusculo. Quod an verum sit, nec-  
ne, faciet experientia fidem. Caterū  
hīc non dissimulabo, nec tacebo, quòd  
medicam coctionem sustinent asparagi:  
nam diutiùs percocti, in tabem abeunt.  
Ex quo Imperator Drusus, celerem rei  
successum demonstrare volens, dicere  
solebat, *Citius quàm asparagi coquantur.* Si  
in iure pingui elixentur, suum condi-  
mentum sic apud multos secum referūt:  
Si in aqua, oleo optimo, vel butyro recē-  
ti, addito sale & aceto, piperisq̃ue momē-  
to conspersi & imbuti, summa cum vo-  
luptate māducantur. Sed rursus obliui-  
scor me hīc medicum agere, nō coquam.

*Quomodo  
coquendi &  
parandi sint  
asparagi.*



## HORTI MEDICI CAMPVS

SECVNDVS, RADICES ALIQVOT  
esculentas, quatuor areo-  
lis continens.

*Porrum hortense, & medica eius*

*auxilia. A R E A I.*

**R**ADICES aliquot hortorum esculen-  
tas medicè hîc descripturus, à porro  
auspiciandum duxi: quod Sotion in suis  
Græcæ agriculturæ præceptis refert tri-  
tum & appositum, morsus reptilium, *Reptilia,*  
alio quouis pharmaco citiùs, curare: eiùs- *dysuria,*  
que semen cum passo potum, vrinæ diffi- *sanguis,*  
cultati mederi. Adhæc vetustis sanguinis *oculi &*  
reiectiõibus opitulari, si temperato mo- *stomachua.*  
dulo cum pari baccarum myrti vel gallæ  
mensura, & thuris farina, opportunè ex  
vino, si febris absit, propinetur. Hippo-  
crates absq; vlla mistura dari iubet, vsum-  
que porrorum nimium & continuũ pro-  
hibet, quòd oculorum aciem hebetet, ac  
stomachum malè habeat. In quam rem  
Eobanus Hessus pulchrè & eleganter al-  
lusit ad hunc modum:

*Officiunt oculis capitati segmina porri:*

*Interiora graui viscera mole premunt.*



*Succus por-  
rorum inter  
deleteria  
adnumera-  
tus.*

Vfus illorum innocentior fiet, si tantum percoquatur, ut in tabem ferè soluatur: sic enim creduntur non minùs alere quàm carnes: tametsi ægrè à ventriculo conficiantur, ob fibrosum nescio quid, quod illis inest. Crudorum succus largus Plinio inter deleteria recēsetur. Nam fama est, Melā equestris ordinis reum, ex procuratione à Tiberio principe accersitū, in summa desperatione succo porri ad trium denariorum argenteorum pōdus hausto, confestim expirasse absque cruciatu. Porrum ex melle tritū vlcera purgat: & eius succus paucus cum lacte muliebri haustus, profluvia ex abortu sedat, tussimque vetustam curat, quemadmodum herbularius adnotauit poëta,

„ *Cōmixtus, inquit, porri succus lacti muliebri,*

„ *Et bibitus, tussim fertur sanare vetustam:*

„ *Ac variis vitii pulmonum subuenit idem.*

*Vlcera, fluxus mulie-  
bri, tussis,  
pulmo, pun-  
ctura vene-  
nata & ca-  
pitū dolor.*

Datur salubriter cum vino his qui à venenatis bestiolis icti fuerunt: imò verò cum melle tritum vtiliter puncturæ earundem superponitur. Si præterea eius succo pars mellis tertia addatur, & per nares vel aures guttatim infūdatur, modò id tepidum fuerit, capitis dolores fri-



gidos compescet. Idem succus aceto exceptus, vel cum galla remixtus & fronti illitus, stillantem è naribus sanguinem sistit. Quod etiã fiet si adiecto thuris poline naribus iniiciatur. Quin & thoracis vitia cum melle datus expedit. Hic non est tacendum ex Galeno, quòd porrum acrimoniam deponit, ac minùs inflat, si bis permutata aqua decoquatur, deinde frigida perfundatur: quo modo etiam fluentem aluum sistere fertur, & grauem vocem explicare, faucium asperitatẽ suo lentore deliniendo. Vnde & perdices (si Aristoteli credimus) porro vescũtur, canoræ vocis gratia. Hinc minùs mirũ esse debet, à Nerone mansum fuisse porrum ex oleo, statis mensium diebus, ad conciliandam vocis præstantiam, dum pro ea certaret cum phonasco: per quod tẽpus, nihil aliud, ac ne panem quidẽ, sumebat, quemadmodum scribit Plinius, qui de sectiuo porro id intelligendum censet: cui ille idem princeps Nero auctoritatem dedit. Experti sunt nõnulli, succum porrorum ex vino haustum, lumborum dolores mitigasse, & fracturas, apponendo solidasse. Quid ampliùs?

*Sanguis,  
thorax,  
fluor alui  
& vox.*

*Pulchra historia de  
Nerone.*



„ *Contractas vulvas succo curabis eodem:*

„ *Hocque hausto reddes fecundas sæpè puellas.*

Lumborum  
dolor, fra-  
ctura, san-  
guis, vulne-  
ra & lotij  
difficultas.

Diffimulandum non est ex Dioscoride, Plinio & Celso, quòd porris facultas inest adstringendi, & sanguinem, vt diximus, supprimendi: ex quo vulneribus ritè imponuntur. Quod Q. Serenus non tacuit, hunc in modum ea de re eleganter scribens,

„ *Præterea nimios reſerati vulneris amnes*

„ *Fœniculi cinis adstringit, vel fimbria porri.*

Vterus, par-  
tus, sangui-  
nis ſt utum.

Semen eiſdem còtuſum, & ex paſſo, aut vino albo generoſo, vt diximus, bibitum lotij difficultates ſoluit, ac vrinarios meatus aperit. Et ſi ſucco porri miſceatur adeps anſeris, ac eo inūgatur collum vteri poſt mēſtruas purgationes, cōtractam matricem relaxabit. Idem ſuccus cū aqua tepida hauſtus, potēter operatur in euocando & ducendo fœtu parturientium. A nonnullis pro experto audiui, quòd porri ſemina cū mirrha & aqua, vel ſucco plantaginis trita, ſaluberrimum præſtant auxilium aduerſus excreationes ſanguinis pulmonarias, vel thoracales. Et eorundem drachmæ duæ cum granis aliquot myrti & aqua portulacæ idem ope-



rantur. Præterea vapor decoctionis foliorum porri, saluiæ & lauri ex generoso vino, per anum exceptus, & calentes herbæ ventri appositæ, eius dolores etiam colicos abolent. Quod experimētis multis testatum est cum sequentibus: nimirum, quod succus porri sectiui cū melle vuluas purgat, & cū vino generoso haustus, menses ciet. Cibus ex illis frequenter repetitus, ad fœcunditatem prodesse fertur. Et si cum thure, aut galla teratur porrum, & eo nares inferciantur, fluentem ex illis sanguinem sistet. Cæterum, si quis experiri volet num membrum aliquod amputandum, verè sideratum fuerit & sphacelismo tactum, partem eam porrorum quæ virescit, cōtundat, & vna nocte membro superponat. Id si postridie liuorem aut nigrorem nō nihil exuerit, significabit vitale adhuc esse, sin minus, mortuum & iustè amputandum, ne pars sincera trahatur. Experimētis multis confirmatum fuisse mihi fidem fecit Hispanus quidam arcanorum naturę explorator indefessus: quod posteris impertitum volui. De medicis porrorum auxiliis hætenus. Sed prius quàm ex hac

*Colicus dolor, vulua, menses, fœcunditas et fluor sanguinis.*

*Notatu valde dignum.*



*Quomodo  
regatur fœ-  
dus odor  
ex porris.*

*Quomodo  
fiat ex vino  
acetum &  
contra.*

tabula porracea manū tollam; monuisse iucundum erit, & fortasse gratum, quòd qui cuminum prægustauerit, fœdum & tetrum porrorum odorem nūquam exhalabit, etiam si larga manu porrum ipsum manducauerit: nam eius esu grauis halitus extinguitur, quēadmodum tradidit Sotion in græcis agriculturæ præceptis. Hoc vnum restat ex Petro Crescentio cognoscendum, nimirum quòd semen porri in vinum proiectum; efficit ne accescat: imò verò vt acetum in vinum redeat, hoc est acorem omnem exuat. Quod experientia admodum facili & labore paruo ita probari potest, vt inde sequantur cōmoda mille. Sed indigni sunt nostrates ænopolæ, vinorum pestes, & eorundem perniciosi fucatores ac impostores, qui hæc resciāt, & alia item iucunda æquē ac vtilia, quā plurima, in nostris vinorum secretis & auxiliis describenda.

*Cepa, & medica eius auxilia. AR. XI.*

VETERES rustici, vt testatur Columella, Cepas *Vniones* nūcuparunt: quòd vno & singulari constent capite, & non pluribus bulbis aut nucleis coagmētato,  
vt



vt allium. Quod nomen apud nostrates Gallos, velut triuiale hætenus vsurpatur. Hippocrates cepam aspectu, inagis quàm esu, commendauit, visu bonam esse dicens, & gustatu malam, quia est mordax, summè calida, & æstuosa. Sotion Græcus agricola & medicus, autor est, quòd si quis teneriorem cepã cum melle ieiunus quotidie manducauerit, firmitatem valetudinis custodiet. Id quod etiã adnotauit herbularius poëta, de cepis hunc in modum scribens:

*Hippocratis iudicium de cepa.*

- „ -quisquis ieiunia soluerit illis,  
 „ Vna quaque die, viuet hic absque dolore.

Tradit insuper idem Sotion, cepas vlcera ad sanitatem perducere, & vitiligines in Sole perfrietas emaculare, purulentisque auribus suo prodesse succo. Si anginis illinantur, illis auxiliari ferunt: perinde atque tussi, modò sub cineribus coquantur, & ex oleo comedãtur. Sunt qui adfirmēt virides cepas ex aceto perlitas, canis morsum post diem tertium soluere: necnon in foculo tostas, & cum hordeacea farina impositas, epiphoris, genitaliũque vlceribus succurrere: & succum tepidum cum lacte muliebri instil-

*Vlcera, vitiligines, aures, angina, tussis et canis morsus.*

E



*Epiphora,  
genitalia,  
aures, ob-  
mutescētes,  
Et morsus  
canis.*

latum, aurium grauitatem ac sonitum emendare. Quem etiam ex aqua bibendum multi dederunt repentē obmutescētibz. Hæc omnia, ille idem poëta, versibus aliquot expressit, de cepis ita loquens,

- » *Appositas perhibent morsus curare caninos,*
- » *Si tritæ cum melle prius fuerint, vel aceto:*
- » *Apponunt alij cum vino, melléque tritas,*
- » *Transactisque tribus soluūt cataplasma diebus.*
- » *Fœmineo lacti commistus succus earum,*
- » *Pellit sæpè graucis, infusus, ab aure dolores.*
- » *Is rursum commistus aquæ; bibitusque iuuabit,*
- » *Illos, quos subitus facit obmutescere morbus.*

*Dysenterici,  
lumborum  
dolor, hy-  
drops, le-  
thargus, tu-  
bercula, na-  
res et caput.*

Non defuerūt qui cepas dysentericis exhibuerint, & lumborum doloribus mirificè prodesse dixerint: succumque illarū cum succo fœniculi, incipientibus aqua intercutanea laborare vtiliter propinarent. Qui vnus cum ruta & melle, etiam lethargicos excitauit: & cum passis viuis, vel fico, tubercula maturauit, & cōfestim aperuit. Idem naribus exceptus, caput à noxiis humoribus exonerat: & cum bōbace, in anum missus, cunctantes hemorrhoides euocat. Præterea cepa confricata pilos regenerat, & olfacta paraly-



ticos ac spasmaticos valde iuuat. Quæ al-  
 ba est, sub cineribus cocta & multo buty-  
 ro recenti excepta ac pista, vehementes  
 hæmorrhoidum dolores sedat, illis appo-  
 sita. Cum sale & melle trita, & morsui ab  
 homine vel rabido cane impresso, diem  
 vnum admota, auxilium non vulgare ad-  
 fert. Et si cum adipe gallinæ teratur, cor-  
 poris rubras ac liuentes maculas oblite-  
 rat, maximè faciei. Quod etiam præstat  
 sanguis gallinæ nigræ. Eadem cepa cum  
 sale aut melle trita callos & poros eradi-  
 cat, præsertim qui de calceamëtorum at-  
 tritu fiunt. Addam ex Galeno, quòd qui  
 ex vetere cepa locū alopecia vel ophia-  
 glabrum sæpenumero fricabit, summum  
 illi præsidium adferet. Prætereà, si cepa  
 in vino, vel aqua parum coquatur, dein-  
 de teratur, & in oleo communi frigatur,  
 ac vtero emplastretur, dolores à partu  
 relictos soluet. Et qui eandem sub cine-  
 ribus coctam cum fermëto & oleo lilio-  
 rum subiget, præstantissimum habebit  
 remedium ad maturādum, emolliēdum  
 ac digerendum. Sed ne, obsecro, omitta-  
 mus quòd cepa solo odoratu materiam  
 multam pituitosam à cerebro elicit: ad-

*Hæmor-  
 rhoides, pa-  
 ralysis, mor-  
 sus canis ac  
 hominis, pu-  
 stule calli &  
 pori.*

*Alopecia,  
 ophia-  
 glabrum &  
 plage be-  
 stiæ.*



*Menstrua,  
intertrigi-  
nes, dysente-  
ria, hamor-  
rhoides &  
oculi.*

*Cepam ha-  
bere vires  
lunæ con-  
gruarias.*

hæc quòd prisci bestiarum omnium pla-  
gis ceparum succum fœlici successu instil-  
lauerunt : monueruntque cepam com-  
māducatam, vel ex vino albo potam, tar-  
dantia menstrua accelerare, & pedum in-  
tertrigines, succo gallinarum pingui re-  
misto, emendare. Qui foculo percoctam  
& oliuo exceptam sumpserit, morsus ac  
biliosas erosiones, dysenteria comites,  
maximoperè leuabit, necnon sæuos hæ-  
morrhoidum labores. Sed lucubranti-  
bus, & literarum studiis addictis summè  
cauendum est, ne cepis ac alliis profusè  
vtantur : nam oculos vitiant, visum ob-  
tenebrant, sitim accendunt, & bilem ex-  
acuunt : profunt tamen pituitosis vtcun-  
que, & maximè hyeme. His addo, ex Ga-  
leno, quòd cum bis elixa fuerit cepa, acri-  
moniam deponet, virésque imbecillio-  
res habebit, succi prauitatem nec retinēs,  
nec agnoscens. Verūenimuerò, hoc loco  
valde admirandum occurrit, quòd cepa  
olerum omnium sola, vt tradit Plutar-  
chus, Lunæ damna non sentit, habétque  
augendi & minuendi, vires illi cōtrarias.  
Nam reuirescit ac regerminat deceden-  
te & senescente luna, inarescit verò ac



marcescit eadem redeunte & adolefcēte. Atque hinc fortasse factum fuit, vt Pelusiotæ Ægyptij sacerdotes, cepas religioſe ſuis abdicarint menſis. Nam cū fruges, herbæ, arbores & animalia ſideris lunaris incremēta & detrimēta ſentiant, ſola cepa viciffitudines agnoſcit aduerſas. Pro coronide ſit hoc. Ceparum philuræ ſeu tunicæ ſub cineribus coctæ & tepide parti ambuſtæ admotæ, vſtionis cuiuſcūque dolorem ac ſenſum tollunt. Quod etiam præſtare ſolet earūdem ſuccus expreſſus & linteolis exceptus, ac non nihil calens per initia adhibitus. Nam acres fuligines & vſtionis ſcintillas ſub denſata cute deliteſcentes expedit, & foras laxata cuticula abire ſinit. Res variis experimētis mihi & item multis, ſæpenuerò probata.

*Remedia  
cōtra vſtio-  
nem.*

*Allium hortense, & medica eius auxilia.*

A R E A     I I I.

**I**NTER ruris pulmentaria, & domeſtica agri præſidia, allium admodū familiare eſſe, nemo eſt rerum ruſticarū ſtudioſus qui neſciat. Hinc de Græcis geoponicis vnus Sotion tradit, allia in cibo ſumpta, vel è regione ventriculi appēſa, lumbrici,

*reptilium*

E iij



ictus, rabio-  
sicanis mor-  
sus, & alio-  
rum vene-  
natorum,

cos expellere : & in cataplasmate, morsis à vipera, aut rabioso cane, mirum in modum auxiliari : imò verò si quis illa præsumpserit, à serpentū, reptiliūque venenis tutissimum esse. Quarum rerum post Græcos, Arabes & Latinos medicos omnes, testem citabimus Eobanum Hæsum, poëtam elegantiss. de allij viribus in hunc modum scribentem:

„ *Nanque venenatis melius vix vlla medentur*

„ *Pharmaca, serpentes illius arcet odor.*

Quod etiam longè ante Eobanum confirmavit herbarius poëta, de eodem alio sic loquens,

„ *-mansum, vel inunctum*

„ *Curat quos serpens, vel scorpius attulit ictus.*

„ *Sanat & appositū morsus cum melle caninos.*

Pulchra &  
mirabilis  
historia, ac  
notatissima  
digna.

Hinc verè scripsisse mihi videtur Volaterranus, suo tempore inuentum fuisse rusticum, qui cum serpētem per hiantes fauces in agris dormiēdo, ignoranter admisisset, sese statim commāducatis alliis, ceu præsenti amuleto curauit : virus tamen ac mortem, vxori (res mira) in coitu stillauit, ac transfudit. Ex quibus facile colligis, allium rusticorum theriacem appositissimè dici: quòd illo nec præsē-



tius, nec certius vllū habeant antidotum  
agrestes aduersus venena & venenata  
omnia. In quam rem alluisse mihi vide-  
tur Virgilius philosophus & medicus ar-  
canorum naturæ conscius, hoc disticho,

- „ *Thestilis & rapido fessis messoribus æstu,*  
„ *Allia, serpillūque herbas contundit olentes.*

Causa esse potest, quòd odorata omnia,  
vermibus ac serpentibus sint valde no-  
xia: vel quòd allia defatigatos spiritus re-  
creent, & labascentes vires firment ac su-  
stineant. sed versus Æmiliij Macri super  
ea re pulchrum erit audire.

*Allia &  
odorata, oīa  
serpentibus  
infecta.*

- „ *Hæc ideo ( inquit ) miscere cibis , messoribus  
est mos,*  
„ *Vt si fortè sopor fessos depresserit artus,*  
*Anguibus à nocuis tuti requiescere possint.*

Redeo ad facultates, & medica alliorum  
auxilia: quorum spicata & bulbacea capi-  
tella melle subacta, suggillata delere, ac li-  
uentia ad colorem reducere experientia  
docuit: necnon vrinas mouere, vitiis que  
renum pugnare: & dentium dolores, ore  
contenta, sedare, maximè à causa frigida.  
His, ex Celso licebit addere quòd allium  
ante accessionem quartanæ manducatū,  
calorem mouet qui horrorem non ad-

*Suggillata,  
vrinæ, re-  
nes, dentes,  
quartana  
& oculi.*



*Pediculi,  
lendes, ver-  
mes, papu-  
larum eru-  
ptiones, len-  
tiginēs, li-  
chenes &  
tussis.*

*Tussis: fe-  
bris, vene-  
num, conco-  
ctio & ocu-  
li.*

mittit. Sed illud de multis est memora-  
bile, vt scripsit Serapio, quòd licet sanam  
oculorum aciem lædant allia, nihilomi-  
nus eandem humiditate vitiatam ac he-  
betem refocillant. Cum nitro, sale & ace-  
to inuncta, phthiriasi, seu pediculari mor-  
bo medentur: quod etiam præstant per  
se, tum pota, tū illita, ex Plinij & Auicen-  
næ sententia. Dioscorides contra pedi-  
culos & lēdes, cum origano vtiliter pro-  
pinari tradit, siue cruda, siue cocta fue-  
rint. Absque rei alterius permistione in  
cibo sumpta, contra vermes prodesse, au-  
tor est Celsus: cui subscribēs Rufus Ephe-  
sius addit, noua antiquatis esse præstan-  
tiora. Cum oleo & sale papularum eru-  
ptionibus profuisse testatum est: adhæc,  
lentiginēs ac lichenas emaculasse. Vetu-  
stæ tussis tam cruda, quàm cocta succurrūt:  
sed cocta crudis vtiliora censentur, & eli-  
xa, tostis, ac ita voci plus conferunt. Sunt  
qui pro certissimo experimēto mihi nū-  
tiarunt, allia tria cum porci axungia sub-  
acta ad formam vnguenti, summum ex-  
hibuisse præsidium aduersus tussim ex  
frigore contractam, quoties plantæ pe-  
dum eo vnguento, ante focum inunctæ



fuerunt, & in lecto, spina dorsi: verum in prandio & cœna pectorali decocto vtendum est. Profuit idem vnguētum etiam contra febriles horrores ac rigores, sed cum suprâ dictis, carpi manuum etiâ inungi debent. Qui allia prægustauerit, si venenum hauriat, nihil ei incommodabit: & qui coctionis munia obire nō possunt, magnas vtilitates ab alliis percipiēt: modò id prodiga non fiat manu: nam sic oculis impense nocerent: quod non prætermisit poëta Hæsus, de allio ita canēs.

„ *Præterea, coctumue cibo, crudumue comestum*

„ *Calfacit, & stomachos humiditate leuat.*

„ *Verum oculis persæpe nocet, si copia sumpti*

„ *Multa sit, & siccâ conficit ora siti.*

Praxagoras aduersus morbum regium, cum coriandro in vino admiscet. Hippocrates suffitu, secūdas partus euocari existimat: quod etiam testatur Plinius, apud quem secundos partus perperam scribi existimo. Diocles apud eundem, nephreticos, si elixum fuerit, iuuare contendit: vbi etiâ phreneticos malè scribi arbitror. Sententiæ nostræ astipulatur Didymus Græcus geponicus, tradens allia vrinam subducere, & nephritim, siue renū mor-

*icterus, secunda partus, nephretici, vrina et hydrops.*



*Vuln<sup>o</sup>, mē-  
strua, vte-  
rus, conce-  
ptio.*

*Dentes, ser-  
pens & ve-  
nenata.*

bum curare. Nunciarunt mihi nonnulli certo experimento, allium elixatum, vel sub cineribus coctum, & cum pice tritū, omnia quæ in vulnere continētur extrahere. Adhæc, nucleos allij sua tunica exutos, & in muliebri pudendum penitus missos, menstrua emulgere: sed filo debent coxæ alligari, vt cum visum fuerit retrahi possint. Addebant id iucundius & multò plausibilis fieri, aliis cum oleo de spica tritis, & in rarum linteolum oblongi sacculi modo conformatum, intrusis, ac in vuluam profundè pulsas, & dum licebit exclusis: sic enim cessantes menses potenter mouent, & vterum mira voluptate reficiūt ac repurgant: adeò vt hinc facta sit via nonnullis ad cōceptum, longo tempore desperatum. Hîc non tacebo, quòd allij nucleolus decorticatus & affatus, ac denti excrucianti appositus, illi egregiè auxiliatur, modò à causa frigida abortus fuerit dolor. Quod etiam experti sumus in radice chelidoniæ trita & admota. Prætereà, allium cum vino tustum & percolatum, valde confert puncturæ serpentis, si illico bibatur, & acri cepa locus ictus diligenter confricetur:



vel emplastrum ex alliis, foliis ficus & cumino vnà attritis, eidem superponatur. Quæ res etiam locum habere poterit in aliis venenatorum animalium morfibus. Eadem porrò allia cum cētaureo vel duplici fico, ad euacuādam & exclusis aquis resiccādam aluum, hydropicis valde conferre, testatur Diocles: sed certiùs id præstare aiūt viride allium, ex mero cum coriandro tritum ac epotum. In quam rem *πάρεργον* non erit poëtæ herbularij versus proferre, quibus hæc & superiora pulchrè, sic satis, confirmat: de allio itaque hunc in modum scribit,

- » *Prodedit Hippocrates educi posse secundas*
- » *Fumo combusti, si vulua diu foveatur.*
- » *Praxagoras illo fuit vsus cum coriandro*
- » *Et vino, morbos sic curans ictericorum.*
- » *Cum centaurea Diocles dare præcipit illud*
- » *Hydropicis: sic humores desiccat aquosos.*
- » *Idem nephreticis elixum sumere iussit.*

Sunt qui dentium dolores frigidos consopiant tribus alliaceis bulbulis, in aceto tritis, & in dentium caua immisissis. Alij, sola aqua decoctionis eorum os colluūt. His addendum venit, quòd porrigines, ex aceto & nitro tollunt allia, valéntque

*Notanda  
hæc anti-  
quorū ex-  
perimenta.*

*Dentium  
dolor, pru-  
rigo, turbi-  
da aqua,  
frigidus aër  
& quarta-  
na.*



plurimum præsumpta, & ore contenta, aduersus frigidi aëris iniurias, ac turbidarum aquarum, niualiūque incommoda. Quartanas bulbulus vnus, cum laserpitij obolo potus fertur excutere: adhæc in cibo mistus & comminutus, aduersus pituitam gallinarum, ac gallinaeorum valde prodesse.

„ *Est id de multis etiam nescire pudendum,*

„ *Quòd nihil hoc Veneri gratius esse solet.*

*Vrina, Venus, capitis dolor, surditas, tussis, suspiria, vox rauca, teinesmus Et pulmonū affectus.*

Vnde si trito allio iumentorum natura tangatur, vrinam impeditam expediri, & hinc ad Venerem proritari aiunt. Si cum faba ad tabem vsque coquatur, & tempora inde illinantur, hemicraniam capitisque dolores, à frigida causa, de experimēto sanat: & cum anseris adipe auri instillatur, & surditati prodest. Elixum, tussim, suspiria, ac raucam vocem emendat. Quòd si pulticulæ incoquatur, aduersus teinesmon mirè confert, ac frigidis, pituitosisue pulmonum affectibus summè auxiliatur. Porrò, Galenus tradit, bis tēue cocta & elixa allia, acrimoniam deponere, sed alimentū corpori paucissimum dare, quod ante elixationē omnino negabant. Abstinentum tamen præcepit,



non solùm à frequenti illorum vsu, sed acrium omnium, his potissimùm qui naturâ sunt biliosi. Solis enim qui succum crudum, crassum, aut lentum aceruarunt accommoda sunt, modò opportunè sumantur. Quæ sequuntur omittēda non duxi. Prodit Didymus, Græcus rei rusticæ scriptor, vel potius Sotion, vt meus habet codex Græcus, tædium halitus à manducatis alliis conciliatum aboleri, si faba cruda illis superedatur. Alij, betæ radicem in prunis tostam supermāducare, satis superque esse putant: quo remedio virus tegi, è Græcis, Menander vnus pollicetur, sicuti in betæ medicis auxiliis paulò antè adnotauimus. Nostrates apio viridi fastidium illud deponunt. Si voles allia habere, quæ mandentium halitum nullo modo vitient, & tetrum odoris halitum deponant, imò verò vt dulcia euadant, consule librum secundum nostrorum Secretorum horti, inuenies illic quod placuisse queat. Duo valde mirabilia (quod postremum erit) hoc loco non tacebo. Prius est, mustelas & sciuros tentato allio dentibus, vix audere in posterum mordere, cicurésque hoc modo

*Quomodo  
fædus hali-  
tus à com-  
manducatis  
alliis possit  
emendari.*

*Duo pul-  
chra Et val-  
de notanda.*



fieri. Posterius, allia arborum ramis suspensa, accedentes ad fructuum deprædationem auiculas longè arcere, si vera sunt quæ in Græcorum georgicis adnotauit Democritus: cum quo hanc aliorum historiã claudimus, vt reliquis suis detur locus.

*Raphanus seu radix altilis, & medica eius auxilia.* A R. I I I I.

*Nephretici,  
calculosi,  
vomitus &  
eruſtationes.*

**R**APHANVM fatium, vulgus Gallicum *Rauen*, & *Reforum*, aut *Raphum* nuncupare solet: quo plerique omnes urbani & agrestes, dum cibi fastidio vrgentur, edendi appetentiam vbique excitant, nunc per se, nunc cum aqua & sale. Florentinus Græcus in suis de Agricultura commentariis scribit, pituitosis valde commodare, & nephreticis calculo vexatis appositè mederi: maximè si quis partem illius externam, cum vino albo & aqua coctam, vel tufam, nec non percolatam, ieiunus diluculo hauriat, & dies aliquot id facere perseueret. Vacuo stomacho ex aqua tepida offertur, vt meatum vomitionibus præparet: inquam rem medici potiùs semine vtũ-



tur, quàm carne. Si cum oleo manducetur, eructationes de ventriculo, quas solet, ciere non potest: nam eas exhalare non finit oleum. Succus ex passo potus regium morbum curat, & cum melle, tussis. Quæ res etiam suspiriosis & anhelosis cõcedetur. Medius apud Pliniũ medicus, coctos raphanos dare iubet sanguinem excreantibus. Cui sic subscribit Q. Serenus,

*Icterus, tussis, suspiriosis, anhelosis & sanguinem excreantes.*

„ *Sin autem rutilus referetur pectore sanguis,*  
 „ *Sorbitio menthæ, raphanus vel cocta inuabit.*

Idem Plinius autor est, satiuos raphanos in posca decoctos, serpentium moribus mederi, si illinantur: sed poscam non addit Q. Serenus, his verbis rem eandem sic persequens,

„ *Proderit & caulem cum vino haurire sabuci:*  
 „ *Aut coctum raphani librum, tritumue ligare.*

Tradũt alij, quòd tota radix venenis vsque adeò aduersatur, vt præsumentibus iciunis non sint nocitura. Et qui eius succo infectas habuerit manus, serpẽtes impunè tractabit, quod credendum potiùs quàm experiundum suadeo. Sed illud de multis videtur memorabile, quòd qui raphanum prægustauerit, si à scorpione

*Serpentum morsus & venena.*



*Plaga, vibi-  
ces, cicatri-  
ces, lentigi-  
nes, quarta-  
nary, puer-  
pera, nutri-  
ces, ructus  
Et vrina.*

*Capilli, vul-  
ua, iliofi, co-  
lici, mēstrua,  
lumbrici &  
angina.*

feriatur, citra vitæ aleā euadet: Et si scor-  
pionibus inspergetur raphanus, illos ad  
mortem adiget. Addunt Græci geopo-  
nici, quòd si quis à tormētis plagas ac vi-  
bices accepit, trito ac imposito raphano  
emendabit: nam cicatrices ac liuores ad  
colorem reducit, lentiginésque in facie  
delet: quartanarios liberat, si continuo  
vsu ventriculus in vomitiones illo effun-  
datur. Puerperis ac nutricibus ad augen-  
dam lactis copiam efficaciter exhibetur,  
ructúsque primo cibo laxat, & vrinas ex-  
haurit. Haftenus bona ex parte Floren-  
tinus, inter Græcos geoponicos summus.  
Hippocrates, vt medica rusticis coniun-  
gam, capillos mulierum defluos tritis ra-  
phanis fricari iubet: adhæc super vmbi-  
licum poni contra vuluæ cruciatus. Pra-  
xagoras iliosis dandos censet, & Pliftoni-  
cus colicis. Cum melle non solùm men-  
ses euocant, sed & intestinorum animalia  
detrahunt, ac anginis opitulantur, cum  
aceto mulso gargarisati, vt verbo vtar  
medico. Sed in his Galenum, audiendum  
esse quis dubitat? Radix raphani, inquit,  
ex iis est, quibus assiduè vescimur, éstque  
obsonium magis quàm alimentum. Scri-  
bunt



bunt multi, tam cibo quàm potu aduer-  
sus fungorum strangulantia pericula sa-  
lutarem esse. Sanguinem acrem & mor-  
dacem gignit, proindèque biliosis cor-  
poribus obest. Sunt qui caco stomachum  
asserant, ac ructus ciere dicant, necnon  
cruditates, si coëtrix virtus imbecilla fue-  
rit. Quæ omnia intelligi debent de im-  
modico illius vsu, eoque simplici, vel cū  
paucis rerum aliarum cibo. Nam vt ho-  
die estur, eius vires facilè obtūdūtur. Mi-  
ratur Claud. Galenus quosdā crudas ra-  
phani radices à cœna manducātes, vt co-  
ctiōnem iuuent. Quod tametsi, inquit,  
dicant se compertum habere experiētia,  
nullus tamen citra damnum potuit eos  
imitari. Hinc, sanè q̄ rectè poëta Hesius  
scripsisse mihi videtur,

Raphani  
facultates  
ex Galeno.

Summè no-  
tanda &  
adueriēda.

„ *Et sunt ante cibum qui magis esse probent.*

Decoctio foliorum utilis est contra ob-  
structiones hepatis & iēterū. Vnde pru-  
denter facere mihi vidētur, qui foliis ra-  
phani loco brassicæ, iuscula condiunt sua,  
gustu æquè ac sapore ex vtrisque admo-  
dum iucunda & salubria. Succus radicis  
vel oleum eiusdem auribus instillata, fla-  
tus & sibila dissipant: & semen ex vino

Hepar, iēte-  
rum, aures,  
venena, pe-  
stis, gangra-  
na, phlegmo-  
ne, vesica,  
lotiū, sug-  
gillata, lac-  
& dentes.



albo tritum, percolatum & potū, nō minū est efficax aduersus venena, quā theriaca. Quod in lue pestilenti sæpenu-  
mero obseruatum vidimus. Idem semen cum aceto tufum & gāgrēnis appo-  
situm, illas valde emēdat. Et si ex percus-  
sione, vel flagellatione, vibices, liuores  
aut vestigia superfuerint, delebuntur se-  
mine raphani cum melle trito & inūcto.  
Si cum aceto radix teratur, initiantes  
phlegmonas iuuabit: & si cū radice nenu-  
pharis coquatur, vesicæ dolores sedabit,  
ac lotium promouebit, emplastri modo  
pubi admota: præterea si succo eius ca-  
seus salē expertus miscebitur, suggillata  
obliterabit. Addā quòd ex frequēti vsu  
raphanorum, lac augetur: nec omittam  
Plinium tradere, raphanis acrimoniā in-  
esse pro crassitudine corticis, ac dentibus  
nocere, quòd illos atterant. Est certè hoc  
admirabile, raphanis & vitibus odia vs-  
que adeò infensa & pernicialia esse, vt si  
iuxtà serantur, ad sensum diffugere vi-  
deantur, occulta nescio qua naturarum  
discordia. Quòd si permutatis scrobibus  
pangantur, nullo modo comprehendēt:  
ex quo, contra ebrietatem, medicinā esse

*Mira de vi-  
te Et rino  
cū rapha-  
ni.*



raphanum scripserunt Græci, illum cum brassica, vt in nostris hortorum Secretis adnotauimus, confundentes, & cōtraria facultate (quod ad vina attinet) dotantes. Nam si in dolium corrupti ac vitiat i vini immittatur, & paulò pōst eximatur illud emēdare fertur, & vitium in se contrahere. Quod contrario fit modo à brassica, quę vino immersa, illud vitiat & corrumpit, tantū abest, vt emendet ac reparet. Petrus Crescentius ( ne quid hīc dissimulē quod legerim, audiuerim, vel obseruauerim) tradit ex raphano acetum fieri medicatū hoc modo. Radices raphani siccatas in puluerem redigito, deinde in vas quod vinū habeat, infundito, misce to, ac dies aliquot quiescere finito, sic acetum comparabis raphanatum, ad renū calculos atterēdos & deturbandos, aliāq; multa, summoperē vtile. Pauca restāt. Fuit apud priscos in tāto honore raphanus, vt Moschion Græcus de ei⁹ laudibus integrum scripserit volumen. In quo illum cæteris cibis in Græcia vsque adeò prælatum fuisse tradit, vt Delphis in templo Apollinis ex auro dicaretur, beta ex argento, & rapum ex plumbo.

*Quemodo  
fiat acetum  
raphanatu,  
et quæ sint  
illius vires,*

F ij



*Fulchra de  
raphano, be-  
sa, & rapis.*

Quod hisce quatuor versiculis doctè cō-  
plexus est Eobanus Hessus, sic de rapha-  
no loquens,

„ *Fabula narratur sacros ab Apolline Delphos*

„ *Omimbus hunc aliis præposuisse cibis:*

„ *Ex auro ut raphanum sacrarent, pōdere betam*

„ *Argenti, plumbum rapa fuisse ferunt.*

*Nephretici,  
calculosi, co-  
lici, & vri-  
ne suppres-  
sio.*

Priusquam manum de hac historia tollā,  
secretum raphaninū multis experimen-  
tis mihi probatum & confirmatum cōtra  
nephreticos cruciat⁹ & colicos, à calculis  
vel flatibus obortos, necnō ad ischurias,  
candidis lectoribus, candidè, ut omnia,  
hīc proponam: quod tam præcauendo, q̃  
curando summoperè efficax & salutare  
inueni, ac pecunia oblata multis recusa-  
ui: sic itaque habet. Accipe corticū acer-  
rimī raphani vnc. vnam: ossium mēspilo-  
rum drach. duas: blandè cōquassata ma-  
cerentur horis octo in vini albi generosi  
vnc. quatuor, deinde percolata & modi-  
cè calentia propinentur in egressu lectu-  
li, & eiusdē ingressu: itereturque potio,  
si opus fuerit, dosim eius augēdo vel mi-  
nuendo pro corporum & ætatum modu-  
lo. Non deerūt qui pro tam salutarī mu-  
nere mihi summā sint habituri gratiam.



Sed scitu etiam iucundum erit, quòd raphani eborà perbellè expolire feruntur: & salis cumulos quantumuis ingentes, in aqueam falsuginem ilicò trāsmutare, si illis conssepeliantur: & si vino immergantur, fœtorem eius contrahere. Verùm hæc extra medicum nostrum institutum esse videntur: sequor itaque reliqua.

## HORTI MEDICI CAMPVS

TERTIVS, HERBAS ODORATAS accipiens, XI arcolis.

*Salvia hortensis, & medica eius auxilia.*

## AREA I.

NVLLI, vel saltem perpauci, reperiuntur horti, tam urbani quàm rustici, in quibus frutex iste non spectetur: de quo nec temerè, nec ineptè mihi videtur scripsisse herbularius poëta,

„ *Cur morietur homo cui Salvia crescit in horto?*

salutaris enim est planta. vnde illi fortasse nomen, vt ille idem poëta innuisse videtur, hoc senariolo rythmologico,

„ *Salvia saluatrix, naturæ conciliatrix, &c.*

Ad fœcunditatem imprimis, summè utilis cēsetur: ex quo Agrippa, illam sacram

*salvia plantā salutaris.*



*Fœcunditas,  
parius &  
conceptus.*

*Menses, mu-  
liebre pro-  
fluuiū, ner-  
ui & ma-  
nuum tre-  
mor.*

non temerè appellauit: tradiditque Leę-  
nas eam querere & manducare ad partus  
facilitatem. Nec omisit Aëtius quòd gra-  
uidæ mulieres, si fluidæ laxæque sint, illâ  
vtilissimè vesci possunt: nam conceptum  
retinet, ac vitalem reddit. Si mulier suc-  
ci plantæ huius heminam cum modico  
sale, quarto à secubitu die potauerit, de-  
inde viro post horæ quadrantē sese com-  
miscuerit, proculdubio concipiet, si non  
sunt mendaces priscorū libri. Hinc aiunt  
in Copto Ægypti post sæuas pestilentias  
ab his qui superfuerunt, ad eius succum  
bibendum mulieres coactas fuisse, pluri-  
mósque fœtus inde productos. Medici  
tradunt saluix suffitu, menses immode-  
ratè fluentes, & omne muliebre proflu-  
uiū sisti, ac nervos omnes roborari: quod  
etiam contingit potu eiusdem: nam hu-  
miditates valde exiccat, quibus illi rela-  
xantur. Ex quo manuum tremoribus au-  
xiliari fertur. His addimus, q̃ folia potui  
imposita, eius prauitatem & malitiam,  
si quæ insit, emendant. Quod vulgato  
hoc versiculo etiam iactari solet,  
*Salvia cum ruta, faciunt tibi pocula tuta.*  
Eadē trita & venenatis morsibus super-



posita, illis auxilio esse traditur, ac vuln-  
 rum cruorem retinere. Et si cum vino  
 succus eius tepidus hauriatur, veterem  
 tussim & lateris dolorem compescit. Bi-  
 bita vel supposita matricē purgat, & se-  
 cūdas à partu remoratas educit, nec non  
 cunctantes fœtus excludit. Potatur in-  
 super salutari haustu cū absinthio ad dy-  
 senteriam: ferturq; mortuos partus ad-  
 posita extrahere, & vermes aurium edu-  
 cere, nec non ex oleo attrita, contra ser-  
 pentes prodesse. Capillum denigrat, ac  
 tetra vlcera purgat, & cum vino menses  
 remoratos trahit. Testium præterea, &  
 vuluę pruritus extingūt tam rami quàm  
 folia, si eorū decocto foueantur. Quod  
 herbularius poëta his versibus utcūque  
 expressit, de illa ad hunc scribens modū,

- „ Pruritus vuluę curat, virgæque virilis  
 „ Si foueas vino, fuerit quo salvia cocta.  
 „ Illius succo crines nigrescere dicunt  
 „ Si sint hoc vncti crebrò, sub Sole tepenti.

Fit vinum ex salvia, saluiatum dictū, ad  
 multa vtile & expetitur: de quo in vinis  
 medicatis abundè scripturi sumus, si di-  
 uina nobis fauerint numina. Hæc sint  
 pro colophone huius capitis. Orpheus

F iiij

Morsus ve-  
 nenati, tuf-  
 sis, vulnera,  
 lateris do-  
 lor, dysen-  
 teria, part<sup>9</sup>  
 & vermes.

Serpentes,  
 capillus, vl-  
 cera, menses,  
 testes &  
 vulua.



*Sanguinis  
excreatio,  
appetentia  
Estomach<sup>9</sup>.*

*Salvia re-  
nenatis ani-  
malibus ob-  
noxia.*

dare præcipiebat sanguinem excreanti-  
bus, saluiae succum bibendum cum mel-  
le, ieiuno stomacho, atque hinc effrenes  
illius impetus ilicò cohibebat. Sunt qui  
in condimentis, & fassamentis utatur sal-  
uia, ut semisopitam appetentiam exci-  
tent: maximè cum stomachus humori-  
bus prauis & crudis fuerit imbutus. No-  
lim impræsentiarum omissum, quòd sal-  
uia in hortis comitem ac vicinā, ubique  
habere debet rutam: alioquin à serpenti-  
bus ac buffonibus vitiabitur (magno ve-  
scentium periculo) qui prope eam stabu-  
lari solent. Indicio erunt folia, illorū af-  
flatu in summitate, ceu sideratione qua-  
dam, vsta ac denigrata. Sūt alia saluię me-  
dica secreta hætenus inaudita, quorum  
gustum tibi exhibebimus, cum tempus  
suaserit & res.

*Hyssopus, & medica eius auxilia.*

A R E A     I I.

**H**YSSOPVS Gallis vel hoc nomine co-  
gnita est, quòd in vsum condimen-  
tarium illis frequenter veniat, & recen-  
tibus fabis dum elixantur, aut friguntur,  
populariter, ac salubriter, remisceatur,



nam flatuosam illarum humiditatem discutit & emēdat. Cum vino cocta & gar-  
gariffata, anginae medetur: bibiturq; vti-  
liter ad suspiria, & ventris lumbricos de-  
turbandos. Quadrupedum scabiem ex  
oleo curat: & cum aqua, melle, fico & ru-  
ta, peripneumoniacis & hepaticis suo de-  
cocto succurrit: nec non tussibus vetustis,  
orthopnoicis, pleuriticiis & destillationi-  
bus obnoxiiis, vt interim non omitam  
quòd etiam teinias in aluo necat, ac lum-  
bricos cum ficibus, & ad vlcera manātia  
valde est efficax. Iusculum eius cum ace-  
to mulso propinatum, lentore, & crassi-  
tudines pituitae dissecat, ac per inferiora  
abigit. Ad aquam intercutem & lienem  
tumefactum cum fico, nitro & iride effi-  
caciter illinitur. Cum calēte aqua, suggil-  
lata emēdat, & aurium inflationes ac tin-  
nitus, vaporis sui suffitu, discutit. Den-  
tium excarnificationes mitescunt, si il-  
lius decoctione tepida cū momento ace-  
ti colluantur: maximè si dolor excrucians  
à causa frigida obortus sit. Vinum deco-  
ctionis eius, vteri suffocationes laxat, &  
matricē à superfluis humoribus abster-  
get. Singula his versibus nobis expe-

*Angina, su-  
spiria, lum-  
brici, perip-  
neumonia,  
tussis, hepa-  
tici, ortho-  
pnoici, pleu-  
ritici, Et vl-  
cera.*

*Pituita, hy-  
drops, lien,  
suggillata,  
aures, dentes  
& vterus.*



diet herbularius poëta,

- „ *In pectus, capitis si destillatio fiat,*  
 „ *Quæ persæpè solet tussim, phthisimque creare,*  
 „ *Prodest hyssopi decoctio, sumpta decenter:*  
 „ *Sic ut cocta simul sint mel, ficus quoque sicca.*

*Flatus &  
pituita.*

*Thorax,  
pulmo, asth-  
ma, epilep-  
sia, coctio,  
respiratio,  
hepar, lien  
& viscera.*

Proderit etiam iisdē pulvis hyssopi cum melle, in modum ecligmatis, aut cū oxymelite. Quod medicamentum etiam flatu abigit, & viscosum phlegma diffecat, redditque ad expulsionē facile. Sed pulchrum erit in medium proferre quæ de hyssopo scripsit Ioannes Mesue, familiæ Arabicæ medicus præstantissimus. Hyssopus ( inquit ) thoracem & pulmones, partēsque alias respiratorias pituita, & humoribus putribus ac pure expurgat: & tenuando, incidendo ac tergendo sputū facile reddit. Ob hæc asthmatis & epilepsię pituitosæ, cæterisque cerebri affectibus humidis salubris est, si decoctum eius sumatur cū oxymelite scillitico. Coctionem quoque iuuat, respirationē leuat, & cutis colorem floridum facit. Cum vino decoquitur ad soluendos tumores hepatis, lienis & aliorum viscerum. Quæ odore & sapore est acerrimo, præstantior censetur, & quo floret tempore, eo colli-



gi debet. haftenus Mesues. Hoc loco mihi sanè quàm opportunè in mentem venit secretum cuiusdā doctissimi medici, facile admodum & familiare ad deturbandos è renibus calculos. Id solùm constat syrupo hyssopi cum duplo vel triplo aquæ parietariæ. Quo remedio per dies decem aut duodecim hyeme propinato adolescenti cuipiam, & aliis, ieiuno ventriculo, ille mihi fidē fecit se multos calculos è corporibus eorum exclusisse. Hęc de hyssopi viribus satis erunt, vbi adnuero quod mediocrem sustinet coctionem ac trituram,

*Satureia, & medica eius auxilia.*

AREA III.

**S**ATVREIA Gallis *Sarrieta* dici solet, vrinasciens, ac menses euocās. Herba eius cum floribus, olfactu, aut coronæ modo capiti imposita, veterinosos excitat. Succus cum rosaceo auribus dolentibus ritè instillatur, & cum triticea farina coxendicibus vtiliter illinitur: medeturque cū vino, pulmonis, thoracis, ac vesicæ vitiis. Pulices, cum aqua trita & respersa, necat: purgātque optimè mulieres à partu, ac

*Vrina, menses, veterinus, aures, coxendix, pulmo, thorax, vesica, pulices, partus & coitus.*



Vētriculus,  
pulmones,  
tormina, le-  
thargus &  
Venus.

marcescentes coitus stimulat: quare à Satyris salacibus nomen traxisse creditur, vt sit satureia, quasi satyreia. Non est o-mittendum quòd ventriculi coctiones adiuuat, & eius fastidia discutit. Subactus illius puluis cum melle cocto, & delinctus, aut cum vino haustus, tenacem pectoris humorē per sputa educit. Idem cum vino tepido, ventris tormina compescit. Lethali somno oppressos expergefacies, si aceto calido satureiam commisceas, & inde caput frequenter foueas. Puluis in ouo sorbili haustus, Venerē sopitā excitare fertur. Hęc de satureia satis.

*Maiorana, seu sampsuchus, & medica  
eius auxilia. A R. I I I I.*

Hydrops,  
dysuria, tor-  
mina, sug-  
gillata, mē-  
ses, oculi,  
tumores,  
scorpiones,  
luxata ce-  
rebrum &  
uterus.

**M**AIORANA Gallis dici solet, quæ aliis sampsuchus appellatur: nomine, vt videtur, à Latinis mutuato: fortasse q̃ maiore cura & diligētia à mulierculis excolatur, quàm herbæ multæ. Huius vis excalfaciens esse traditur, vnde iusculum decoctionis eius, ad incipientem aquam intercutem salubriter propinatur: nec non his quos lotij difficultas, aut tormina malè discruciant. Folia arida ex melle



illita, fuggillata emēdant: & remorantes  
 menses, in pefso fubdita fenfim euocant.  
 Oculorum inflammationes prohibent,  
 & cum polenta, tumores. Scorpionibus  
 ex aceto & melle inuncta aduerfantur, &  
 cum cera luxatis mirè profunt. Succus  
 expreffionis maceratorum in vino, nari-  
 bus attractus, aut immiffus, fternutamē-  
 ta mouet, & à pituita cerebrū expurgat.  
 Oleum ex iis cōcinnatum, matricis coar-  
 ctationem laxat: modò collum vteri, vt  
 fcribit Auicenna, illo inungatur. Mirabi-  
 le fanè eft, nedū memorabile, mures ra-  
 dicibus maioranæ certatim infidiari (fic-  
 uti à nobis fæpius obferuatum eft) ac fi  
 medicamentum & præfens auxilium ab  
 illis depofcerent: fed in quem affectū, aut  
 quam in rem, nos adhuc planè ignora-  
 re fatemur.

*Mures radi-  
 cibus maio-  
 rane infi-  
 diari.*

*Fœniculum, & eius medica auxilia.*

A R E A V.

HORTIS omnibus innotefcit fœnicu-  
 lum, à serpentibus summè nobilita-  
 tum. Nam guftatu eius fenectam exuere  
 & oculorum aciem reficere traduntur.  
 Vnde intellectum eft, inquit Plinius, ho-



*Caligo oculorum, lac, nausea, verticulus, pulmo et iecur.*

*Venter, lotium, tormina, renes, menstrua, hydrops & tumores.*

minum quoque caliginem eo præcipuè releuari. In lactis defectu potum illius semen mammas implet: quod vnum etiam præstat, autore Dioscoride, si cum ptissana exhibeatur, imò verò herba ipsa. Idè semen ex aqua tritum nauseam sedat, & stomachi æstus compescit, ac dissolutum ventriculum recolligit: èstque pulmonibus, ac iocinori laudatissimum. Ventrem sistit, cum modicè sumitur, ac lotium mouet, & tormina si tostum fuerit, ilicò mitigat. Decoctum comæ, renum doloribus prodest, ac menstrua soluit: valètque radix cum ptissana ad eadem: quæ etiam hydropicis cum vino pota, necnon conuulsis mirè auxiliatur. Folia vtiliter illinuntur ex aceto tumoribus quibuscunque ardentibus. Et puluis feminis cum mētha & axungia tritus, mammillarum tumores laxat. Prætereà ventriculo perfrigerato, & iis quibus crassa pituita est incidēda, summè profunt vnciæ sex corticis radiceis fœniculi cocti in aceti & mellis libra vna. Post coctionē, facta expressione, abiiciuntur radices, & melle superfufo iterum coquuntur omnia ad spissitudinem, & de iis exhibentur cochlearia



tria cum aqua, plus, minus, pro ætate su-  
 mentis. Plerique radice vtuntur cum ce-  
 ra ad suggillata: cum melle ad canū mor-  
 fus, nec non oculorum caliginem, & cum  
 aceto ad tumores ictu illatos. Cuius rei  
 testem citamus poëtam herbularium, de  
 marathri, seu fœniculi plāta in hunc scri-  
 bentem modum,

*Suggillata,  
caligo et tu-  
mores.*

- „ Radicis succus oculis cum melle perunctus,
- „ Pulsa reddit eos omni caligine claros:
- „ Illatos, ictu subito, quoscunque tumores,
- „ Apponens tritam iuncto sedabis aceto.

Semina ad dissipandos & vacuādos ven-  
 triculi ac intestinorū flatus summè pro-  
 sunt, vel vulgato id attestante versiculo  
 rythmico,

- „ Semen fœniculi referat spiracula culi.

Cæterum, hîc de multis tacendū non est,  
 quòd fœniculum quomodocunque hau-  
 stum, geniturę abundantiam promouet:  
 éstque pudendis amicissimum, siue ad fo-  
 uendum, radice cum vino cocta, siue ad  
 illinēdum, eadem cum oleo trita. Fit suc-  
 cus è semine adhuc lactescēte & musteo,  
 vna cum foliis, ramis & cauliculis tenel-  
 lis trito, & simul expresso, qui in sole sic-  
 catus utilis esse traditur medicamentis

*Flatus, ge-  
nitura, pu-  
dendum &  
oculorum  
acies.*



quæ parantur ad excitandam oculorum  
 aciem. Prodest idem ex radicibus prima  
 germinatione contusis. Sunt qui caulem  
 demetunt vbi floret, ignique admouēt,  
 vt caloris vi exudantem, vice gummi, li-  
 quorem excipiant, qui vnus oculis mul-  
 tō efficacior ac præstantior esse solet, q̃  
 succus præcedens. Q. Serenus eā in rem  
 vtitur liquore fœniculi melle excepto:  
 cuius carmina hîc subscribemus.

- „ *Si tenebras oculis obducit pigra senectus,*  
 „ *Expressæ marathro guttæ cum melle liquenti,*  
 „ *Detergère malum poterunt.*

*Modus con-  
 ficiendi aquā  
 caligantibus  
 oculis vilē.*

Paulus Ægineta aquam oculis caliganti-  
 bus vtilem ad hunc concinnat modum.  
 In fictile nouum virētem fœniculū cum  
 pluuiali aqua iniicit, & ibi dies aliquot si-  
 mul esse finit, deinde extrahit, & aquam  
 in vsum seruat perpetuo mēse oculis in-  
 stillandam matutinis horis. Hîc nō omit-  
 tam, quòd fœniculo, tanquam alimento  
 vtendum nō est, quin potius vt medica-  
 mento: nam tardissimè coquitur, ac pra-  
 uum & exile nutrimentum præstat. Non-  
 nunquam tamen exhiberi solet ad corri-  
 gendam ciborum quorundam prauita-  
 tem ac malitiam. Quemadmodum enim  
 lactucæ



lactucæ interdū addimus petroselinum, *Pulchra & notatu dignissima.*  
 mētham, maioranam, aut quid simile, vt  
 eius frigiditatem obtundamus, vel con-  
 temperemus: ita & fœniculum nonnun-  
 quam cucurbitis, & napis, vnà incoqui-  
 mus, vt illorum noxam & prauam quali-  
 tatem emendemus. Quod etiam in co-  
 quendis piscibus multis, præsertim mari-  
 nis, locū habere solet: quos fœniculi fo-  
 liis nunc obuoluimus, nunc infarcimus,  
 ad conciliādā saporis suauitatem, & fal-  
 lendam marinæ auræ graueolentiam de-  
 licatulis palatis plerūque molestatam. Sed  
 hæc coquinam potius subolere mihi vi-  
 dentur quàm medicinam, quare verbum  
 non ampliùs addo.

*Mentha hortensis, & medica eius auxilia.*

A R E A      V I.

**M**ENTHA nomen suum in Gallia re-  
 tinet, quam Florentinus rusticæ di-  
 sciplinæ apud Græcos professor eximius,  
 scripsit vel ob id inutilem esse, quòd vul-  
 nerato exhibita, vulnus illius sanescere  
 & cicatricem ducere prohibeat: datur ni-  
 hilominus in sorbitionem sanguinē ex-  
 creatibus, vel Q. Sereno teste, cuius hæc  
 sunt verba, licet nobis alibi producta,

*Vuln<sup>o</sup>, san-  
 guis, testes,  
 aures, lin-  
 gua, partus  
 & canis  
 morsus.*

G



- „ *Sin etiam rutilus referetur pectore sanguis,*  
 „ *Sorbitio menthæ, raphanus vel cocta iuuabit.*

Plantam hanc diuersis testium morbis occurrere certum est, si eius decocto opportunè foueantur: adhuc aurium dolores & linguæ asperitates cum melle iuuare, & cum sapa, partum accelerare, canisq; morsus, cum sale curare. Si in lac proiiciatur, neque illud coalescere, neque spissari permittet, etiam si ei coagulum remisceatur, quemadmodum scripsit Florentinus: qui eadem vi illam generationi resistere, & proinde parum vtilem esse arguit. Alij contrà, perquam salubrem haberi defendunt, adeò quod si mammis familiariter accesserit, nec coire lac patiatur, nec densari: quare lactis potionibus illam consultò addi promittunt, ne eius coagulatione periculum strangulationis immineat. Multi fidem mihi fecerunt, se probauisse, caseos nec corrumpi, nec putrescere, qui menthæ succo aut decocto illinerentur. Ex quo non ineptè post Græcos scripsisse videbitur herbularius poëta de hac planta hunc in modum,

- „ *Caseolos succus putrescere non sinit eius*  
 „ *Admixtus, vel si viridis superadditur herba.*

Lac, mame  
 Et casei.



Singultus & vomitiones tam pituitofas quàm fanguineas illius succus cum succo granati sistit, vt Democritus in suis adnotauit Georgicis. Cum amylo & aqua, cœliacorū impetus frænat, ac mulierū purgationes immôdicas cohibet. Hui⁹ odor

*Singultus, vomit⁹, cœliaci, mulierum purgationes, appetētia, nares, caput et sanguis.*

vt animum excitat, ita sapor auiditatem & appetentiam in cibis proritat. Recētis succus spiritu subductus, narium vitia emendat: qui etiam in capitis dolore, temporibus vtiliter illinitur. Idem cum aceto, sanguinis fluxiones internas cōtinet.

Quin aiunt plantam ipsam impetigines, vel si teneatur tantum, prohibere: quod aliis de mentastro scriptum placet. Non est hîc tacendum, quòd stomachum valde roborat, ei⁹que putrefactiones summo perè emendat, vermes eò reptantes, & ventrē inferiorem obsidentes, sūsq; deque exturbādo. Cuius rei testem proferemus Salernitanam academiam sic de mentha rythmicis versiculis scribentem,

*Impetigo, stomachus et vermes.*

„ *Mentitur mentha, si sit depellere lenta*

„ *Ventris lumbricos, stomachi vermēsq; nocuos.*

Exhibenda est autem eius decoctio, velut absynthij, & non substantia. Cornel. Celsus de teretibus vermib⁹ qui pueros

G ij



solent infestare, id accipiendum & intelligendum censet. Dioscorides succum ex aceto propinatum idem præstare pollicetur. Sed pulchrum erit audire Q. Serenum super ea re pulchrè philosophātem. *Quid non aduersum (inquit) miseris mortalibus addit*

*Pulchri  
versus.*

- „ *Natura ? interno cūm viscere teinea serpens,*
- „ *Et lumbricus edax viuant inimica creanti?*
- „ *Quod genus assiduo laniat præcordia morsu:*
- „ *Sæpè etiam scandens oppletis faucibus hæret,*
- „ *Obsessasque vias vitæ concludit anhele.*
- „ *Democritus memorat menthæ conducere potū.*

*Partus, lac,  
& māmæ.*

*Quomodo  
mentha ad  
Venerē sti-  
mulus exa-  
cui.*

Bibita partū accelerat, lac auget, ac mammarū durities soluit, cocta & emplastrata. Sed hīc omittendum non est q̄ cultus mangonio humorem sibi asciscit mētha, qui ad Venerem stimulos exacuit: quod est omnibus cōmune rebus quæ semicocto humore, eoque spirituoso ac flatulēto participant. Quod vnum problematicum hoc Aristotelis Adagium soluet: *Mentha, belli tempore, nec feri, nec edi debet.* Hoc enim cibo largè vefcentes in libidinem ruunt, quæ corpus debilitat, vires frāgit, ac animos enervat. Quæ tria fortitudini & audaciæ ex diametro pu-



gnare nemo est qui nesciat. Aristoteles tamen aliã arbitratur esse causam, nimirum quòd mentha corpori frigus adducat: eius rei argumento, quia semen genitale, vt diximus, minuit: frigus autem fortitudini atque audaciæ aduersari certũ est. Vt vt fuerit, Dioscorides menthã, vt diximus, Veneris voluptatibus valde commendat. Vnde nihil mirum est si antiquitas flagrante bello, militibus illius esu interdixerit: scripseritq; Aristoteles,

*Cur olim militibus interdictus mētha vsus.*

„ *Mentham nec comedas, nec plantes tēpore belli.* Nã frequenti Veneris vsu fortissimi quique, ceu effœminati ac molles facilè contorpescunt. Sed in his versatum satis, vel fortasse plus quàm par fuerit.

*Thymus, & medica eius auxilia. AR. VII.*

THYMVM vulgò Gallorũ *Thyn*, nũcupatum, plerique maioranam Anglicam dicunt: cuius flores apibus summè amicos esse norunt omnes: nam gratum colorem & odorem melli addunt: iuxta Virgilianum illud,

„ *-redoléntque thymo fragrantia mella.*

Decoctum huius cum melle, orthopnoicis & suspiriosis valde prodest: necnō ad

*Orthopnoici, suspiriosi, pulmonarij.*



*menstrua,  
partus, se-  
cunda, vrina,  
verruca, is-  
chiadici &  
comitiales.*

pectoris vitia quæuis excreanda. Remo-  
ratos fœminarum menses, & enectos par-  
tus, ac secundas pellit, vrinâsque promo-  
uet. Thymos ac verrucas herba trita tol-  
lit, & ischiadicis cum vino ac polëta me-  
detur, atque optimè comitialibus datur,  
quos correptos olfactu eius excitari sepè  
audiuimus. Quin & illos dormire aiunt  
oportere in molli thymo. Folia trita & la-  
næ inspersa, luxatis vtiliter ex oleo appo-  
nuntur: & ambustis, ex adipe suillo effi-  
caciter linuntur. Sed vitari debet is thy-  
mus qui niger est, & eligi qui flore illu-  
stratur cæruleo vel albo. Verū enim uerò  
iucū dum erit hîc audire philosophātem  
de thymo Ioannem Mesuæ. Calfacit, in-  
quit, tenuat, incidit, resoluit, obstructa  
aperit, ac crassos flatus dissipat. Pituitam  
clementer educit per aluum (cum sale &  
aceto vt Dioscoridi placet) &, vt quibus-  
dam libet, etiam melancholiam, sed im-  
becilliter, cum sale gemmeo vel indo. Pi-  
tuitam etiam crassam & lentā à thoracis  
& respirationis partibus euocat, necnon  
à cerebro. Ob id partium harum & ner-  
uorū frigidis & pituitosis affectibus mirè  
succurrit: vt asthmatis, tussi, pulmonibus

*Flatus, pi-  
tuita, melā-  
cholia, tho-  
rax, cere-  
brum, ner-  
uis, asthma,  
tussis, pul-  
mo, visus, et  
aures.*



à frigido dolentibus : præsertim syrupo suo, vel decocto, vel oleo ex eius floribus incoctis facto: quod etiam visum acuit & sanitatem conseruat. Partes neruofas calore suo roborat, & suffitu auris dolorem ac tinnitum flatuosum emēdat. Saluber thymus est senibus contra hyemis iniuriam : appetentiam excitat, coctionē iuuat, cum melle & nitro lumbricos necat, menses ac vrinas mouet, & rigori febrili opitulatur. Eius vehemens caliditas aliorum mistione obtunditur, siue coquatur cum uis passis, siue aceto infundatur, siue mulse cum pauco sale gēmeo, qui purgationem eius auget. Coctionem & triturationem mediocrē sustinet. Præter has thymi vires à Mesue Damasceno descriptas, alias quoque ei reddidit præclaras Aëtius Cappadox, hîc etiam nobis proponēdas. Hæc, inquit, experimētis de thymō comperta sunt. Dato ieiunis articulari morbo laborantibus thymi aridi minutissimi drachmas quatuor, cum oxymelitis cyatho: bilem enim, reliquosque humores, atque acrē saniem vacuat. Facit & ad vesicæ affectus. Ventre autem inflato, vbi scilicet intumescere cœperit, drachmam

*Appetentia,  
coctio, lum-  
brici, menses,  
vrina & ri-  
gor febrilis.*

*Arthritis,  
bilis, vesica,  
hydrops, lū-  
bi, coxēdix,  
latus, tho-  
rax & hy-  
pochondria.*

G iij



*Melancholici, lippitudo, oculi, podagra et testes.*

vnā dato ieiunis cum cochleari aqua mulsa. Ad lumborum, coxendicumque dolorem, ac lateris & thoracis, necnō hypochondriorum suspēiones & inflationes, pondere vnus drachmæ cum oxymelite cochlearis mensura, ieiuno exhibetur. Similiter etiam melancholicis & mente turbatis, timorēq; detentis, drachma cum oxymelitis cochleari præbetur. Datur item ieiunis & ante cœnam aduersus lippitudinem & vehementē oculorum dolorem. Prætereā contra podagram, etiam quæ motum omnino interceperit, cum vino vtilissimè propinatur. Postremò ad tumefactos testes, ieiunis duæ drachmæ salubriter exhibentur. Hactenus de thymo, cuius medicam historiam fusè dilatauimus, quòd magnarum virium plātam esse intelligeremus, ac hortis oībus passim obuiā & familiarē.

*Ocimum hortense, & medica eius  
auxilia. A R. VIII.*

*Ocimum unde dictū, & cur basilicū appelletur.*

**O**CIMVM hortense (aliud enim est pabulare & segetarium) vsque adeò notum est, vt perraræ vbique sint fenestræ, quæ illo longè ac latè non redoleant, tāta



est fragrantia & suauitate : à qua etiam  
 ozimum rectè dici, ac scribi posse cōten-  
 dūt multi : vt sit ab ὄζω, quod est redoleo.  
 Græci recētiores qui de re herbaria scri-  
 pserunt, Psellum sequuti, βασίλικον, id est  
 regium appellāt: quod nomen apud Gal-  
 los passim vsurpatur. Sic fortasse dictum,  
 quòd in solis Regum hortis aleretur, vel  
 quòd Regibus ob præstātiam odoris, di-  
 gnum esset. Verùm hæc nihil ad medicas  
 eius facultates, de quibus nunc demum  
 seriò nobis agendum. Inter veteres pa-  
 rum conuenire lego, vtilé ne sit an no-  
 xiũ cibis. Chrysippus medicus antiquiss.  
 caco stomachũ esse dixit. Galenus & Pau-  
 lus Ægineta ob humorẽ excremētitiũ  
 internis partibus officientem, cibis abdi-  
 carũt (quod de immodico vsu intelliges)  
 nō tamen exteriũs damnarunt. Qui con-  
 trariam tuetur opinionem Dioscorides  
 & Plinius, hæc ceu commentitia rident,  
 asserentes stomacho prodesse, quòd eius  
 inflationes discutiat ex aceto sumptum.  
 Sanè sicuti eius vsus largũ & liberalem  
 nocere arbitror, ita sobrium & tempera-  
 tum iuuare credo. Nam si quis eo, perin-  
 de ac reliquis oleribus affatim & prodiga

*Stomachus  
 & eius in-  
 flationes.*



*Venter, flatu,  
urina,  
lac, sternu-  
tamentum,  
verruca &  
Venu.*

*Lipothy-  
mia, caput,  
pulmones,  
destillatio,  
dysuria Et  
atra bilis.*

manu vti velit, pculdubio intestina sen-  
tiet incōmoda. Si verò parciùs, ac si me-  
dicamētum esset, interna percipiet com-  
moda. Ventrem remollit, flatus discutit,  
lotium mouet, ac lactis prouentum mu-  
lieribus adfert. Tritum & naribus inditū  
sternutamenta ciet: quibus instantibus  
cōnuere oportet. Odoratu tristes exhi-  
larat, ac timidos animat, mixtòque atra-  
mento sutorio verrucas tollit. Venerem  
stimulat, ex quo tam equis quàm asinis,  
admissuræ tempore, vtiliter ingeritur ac  
exhibetur. Vsu quoque compertum est,  
ex aceto salutare esse deficiētibz animo:  
adhęc, caput dolentibus, de causa frigida,  
cum rosaceo, vel eodem aceto. Dioscori-  
des cum polline polēta, aceto & rosaceo  
illitum, cōtendit pulmonum inflamma-  
tionibus auxilio esse: eiúsque succum de-  
stillationes exsiccare: & semen potū dif-  
ficili vrinę auxiliari, necnon atram bilem  
gignentibus, opem adferre summā. Re-  
fert Plinius, Chrysippum medicum gra-  
uiter ocimum increpuisse, & fugiendum  
hominibus præcepisse, quòd caprae illud  
aspernentur. Quæ cùm cæteris pabulis  
oībz auidissimè vescantur, ab hoc vno,



etiam famelicæ, cautè abſtinent. Quod à Sotione Græco geoponico etiam adnotatum inuenio. Qui vltra hæc aſſerit, inſanos fieri qui ocimo vtuntur: additque eum qui ocimum manducauerit, ſi eo die à ſcorpione feriat, ſeruari non poſſe. In quem & Chryſippum videtur pugnare Plinius, ſcribens, capras libenter ocimum eſſe, nec cuiquam mentem motam qui illud māducauerit: quin & terreſtriū ſcorpionum iſtibus ex vino & pauco aceto ſumptum ſalubriter mederi. Dioſcorides ex Aphricanorum placitis tradit, eos qui ocimum ederint, nullo conſictari dolore, ſi à ſcorpione feriātur. Ex quibus opinandum relinquo, num expungenda ſit negatio apud Sotionē. Diodorus in Empiricis credit ocimum pediculos creare, ſi quis eo largiùs vtatur, ob excrementi-  
 tiam humoris ſuperfluitatē quo imbuitur. Sit poſtremum, quod ab amico probatum intellexi. Si ex partu laborās mulier, ocimi radiculam cum pēna hirundinis tenuerit, abſque dolore ilicò pariet. Sunt alia plantæ huius admiranda ſecreta, paucis hætenus intellecta, quæ cum aliis plerisque tibi impertiemus, ſi iſthæc

*Pulchra de  
ocimo &  
notatus di-  
gniſſima.*

*Pediculi &  
partus.*



grata fuisse audiuerimus.

*Orualla, & medica eius auxilia.*

AREA IX.

**D**E Orualla quæ Parisiēsis Tota bona dici solet, nihil, quod sciam, apud antiquos scriptum extat. Sunt qui ad satium hominum illam referre satagant: quod quàm rectè, iudices erunt rei herbariæ periti. De eius facultatibus hæc in præsentiarum à me accipies. Herba trita aculeos ac spinas extrahit, & remorantes difficilēque partus accelerat. Vino præterea iniecta mentem exhilarat, & Venerem extimulat: verùm liberaliùs sumpta, caput tentat. Semen lippitudines tollit, & oculis immissum, ac multa frequentique reuolutione per illorum orbem raptum, quasi humore prægnans, & tenuibus membranulis onustum, sordibùsque conuestitum, tandem egreditur: secum educens quæ inciderunt & molestà fuerunt. Id quod permultis multorum experimentis, tam est notū, quàm nota fuit canibus casta Diana suis. Idem semen ἀγίματα & oculorum albugines cum melle purgat, tussientibùsque vtile censetur.

*Aculei, spina, partus, Venus, lippitudo, albugo, tussis.*



esse. An verò hæc planta, Plinij alectorolophos dici possit, viderint eruditi. Non omittam, & si nihil ad medicum nostrum institutum, quòd flore hortensis hormini & semine in dolio vini posito dum adhuc feruet, tanta gratia ipsi vino cõciliatur, vt Cretici, aut Maluatici gustum præ se ferat. Arrigite aures ænopolæ, sed neminem, obsecro, vestris improbis miscelaneis defraudate.

*Secretũ pro  
vini.*

*Rosmarinus, & medica eius auxilia.*

A R E A X.

**R**URA & officinæ Roremmarinum appellant, quod aliis libanotis dici solet. Frutex est topiarius, necnõ coronarius, cuius odor, resinam aut thus, vtcunque præ se fert: tam suaui ac iucundo spiraculo, vt quos animus defecerit, ilicò recreare possit. Suffitu destillationes ac tussim cõtinet, regiũque morbum suo curat decocto. Et quod illi de multis nobile est ac insigne, solo nidore in pestilentia tutam reddit domum, diluẽdo & expurgando improbam aëris perniciem suffitu ac vapore salutari. Flores caput ac cerebrum maximè roborant: ex quo illorum

*Lipothymia, destillatio, tussis, icterus, pestilentia & capitis affectiones.*



Nervi, oculi,  
icterus,  
obstructio  
hepatis, &  
vætris dolor.

vsus admodum efficax esse solet cōtra capitis affectiones. Sunt qui saccharo eos condiant, & sibi ac amicis eam in rem diligenter custodiant. Totus frutex utilis est omnibus frigidis ægritudinibus, mēbra ac nervos egregiè roborans & calfaciens. Sed paulò particulariùs hîc nobis est medicè philosophandum in expertis & probatis Rorismarini auxiliis. Itaque, succus radicum & foliorum eius defæcatus, & cum melle despumato in modum collyrij concinnatus, plurimum valet ad defluxiones pituitæ in oculos. Quæ si calidæ fuerint, licebit addere oui albumen, cum succo pomi generosi, & aqua rosacea confusum ac diu agitatũ. Semen cum pipere & vino haustum, singulare adfert præsidium contra icterũ, hepatis obstructiones & inflationes. Radix siccata, pulverata, & cum vino bibita, ventris dolores, etiam si colici fuerint, perbellè castigat & demulcet. Quod etiam faciunt ruta & satureia. Reliqua scribentur in opusculo vinorum medicatorum.

*Lauandula, & medica eius auxilia.*

A R E A X I.



**L**AVANDVLA quæ Pseudonardus qui-  
 busdam dici solet, nostratibus verò  
*Lauanda* (quòd in balneis, lauādis corpo-  
 ribus summè expetatur, & elota omnia,  
 si permisceatur, odoris suauitate cōmen-  
 det) frutex est omnibus notus. Qui, quia  
 non minùs placet fragrantia quàm nar-  
 dus, idcirco apud nos Spicæ nomen sibi  
 arrogauit, & *Aspicum* dici cōsuevit. Licet  
 id ad maiorem Lauandulam multi detor-  
 quere satagant. Huius spicata cacumina  
 & tonsiles vertices, manipulatim in sco-  
 pas & muscaria concinnatos, bigis ac cli-  
 tellis Lutetiæ per æstatē venales vicatim  
 proclamari, & passim à rusticis in varios  
 odorum vsus comportari, nemo est qui  
 non videat. Sed hæc nihil ad medica la-  
 uandulæ auxilia, de quibus nūc demum  
 nobis agendum. Omnibus cerebri frigi-  
 dis affectibus, conuulsisque ac resolutis  
 illam auxiliari scribunt Arabes, Græci, ac  
 Latini medici: adhæc, ventriculum robo-  
 rare, & iecur ab infarctu liberare. Obstru-  
 ctos etiam lienes valde iuuat, & vterum  
 calfacit, ac menses secundasque educit.  
 Fit è floribus stillatitium oleum vitreis  
 organis expressum, quod vnguentarij

*Vnde dicta  
 sit Lauan-  
 dula.*

*Cerebrum,  
 conuulsi, re-  
 soluti, ven-  
 triculum, ie-  
 cur, liens,  
 vterus, men-  
 ses Et secun-  
 da partus.*



*Oleum de  
spica.*

oleum de spica vulgò nuncupant, tanta odoris præstantia & fragrantia, vt cetera odoramenta superet ac obtundat. Quò fit vt extra officinas & myropolia illud afferuent aromatarij, ne moschi, ambari, zibbeti, aliorumque vnguentorum & aromatum suauitatem intercipiat. Valet ad eadem quæ planta ipsa, & multò præstantiora, à nobis alibi exponenda.

Hæc sunt quæ de hortorum herbis & fruticibus odoratis in præsentiarum adferre possum. A quibus ad herbaceos & suffruticeos fœtus, eadem methodo explicandos, opportunè transeo: modò commonefecerim lectorem, me lauādulam inter flores odoratos noluisse transferre, quòd vniuersum foliū æquè odoratum habeat, atque florem. Quæ res floribus in quinto campo descriptis, planè denegatur. Verū enim uerò, quia eius flos absque folio solus potest decerpi, si quis ad florum regionem illam traducere voluerit, vnguem non vorterim.


HOR-



# COMPOSITIO PRAESTAN-

TISSIMI VINI AC DILUTI

è Sena, cum viribus & facultatibus ipsius Senæ.



**O** P V S C V L V M de factitiis & medicatis vinis, iam iam, ut vides, ad Umbilicos perduxeramus, suamque typographus impressoriam supellectilem & literarias machinulas colligere festinabat, cum mihi in mentem venit Vinum è Sena compositum, tantoperè à multis celebratum & comendatum: quod quo fato superius nobis exciderit, planè ignoro. Scribam itaq; paucis de eo, & facultatibus Senæ, ac diluto ex illa salubriter & efficaciter comparando: quando nullum hodie medicamentum purgans, omni ferè populo, frequètius habetur, ac familiarius vsurpatur. Diximus paulò antè, Vinum maximè amicum esse calori innato, ac summè accommodum corpori alendo, fouendisque & roborandis illius facultatibus, ac reparandis spiritibus collapsis, vel aliter affectis. Adhæc, medicamenta vino infusa, & macerata, suū opus accelerare, ac multò præstātiora euadere, etiam si tardæ & pigre fuerint operationis. Ex quo rectè Abinzoar

Vinum è Sena in superioribus prætermisum.

Vini natura & privilegium.

G



Pulcherri-  
ma & no-  
tatu di-  
gna.

Composi-  
tionem vi-  
ni Senetici  
non differ-  
re ab aliis  
medicatis  
vinis.

Sena tor-  
minosa.

medicus Arabs dixisse mihi videtur, nec cibū,  
nec medicamentum, vino vnquam priuari de-  
bere: & Mesues eiusdē familiae Doctor excel-  
lentiss. ingenium medici eò maximè aspirare de-  
bere, vt medicamentorum sapor in cibariorum  
gustum conuertatur. Nam tum natura sese ex-  
plicat & liberè componit, vt quod offertur, hi-  
lariter ac iucundè amplectatur, sicuti initio me-  
dicamentorum vinorum fusissimè exposuimus. Qui  
itaque vinum ex selecta Sena concinnare sata-  
gunt, nē illi præclare sibi consulunt: cuius com-  
positio latum, quod dicunt, vnguem, nō differt  
à formulis antea descriptis. Si vindemia tempo-  
re conficies, optimè ac salubriter ages. Nam ita  
copiosum tibi, familiae, & amicis, facile compa-  
rabis. Cui si addideris aromatica, stomachica &  
cardiaca, nec non flatus dissipātia, aut acria, non  
solum purgatorias vires ei accelerabis, sed sto-  
macho ac visceribus summè etiam cōmodabis:  
ob tormina quæ Sena excitare solet: licet id neget  
Manardus, ea potissimū causa, quòd illam folia  
(quibus maximè vrimur) subamara et adstrin-  
gentia habere dicat. Vt vt sit, torminosum me-  
dicamentum esse experimur, etiam in paratis  
corporibus, quidquid cum doctiss. Manardo  
scribat Andr. Matthiolus, medicus præstantiss.  
Ioannes Mesue hanc vini Senetici compositio-



DE FACULTATIBVS SENAE.

nem profert. Vino musteo albo, inquit, miscebat quidam vim magnam Senæ, post tres mēses potandum dabat, sicque purgabat cerebrum, & sensoria instrumenta, gaudiūque augebat. Sunt qui decocto Senæ cum prunis & spica, foeliciter purgent: sed modicam coctionem sustinet. Infunditur ab aureis tribus ad vnciam vnam. Clementer deturbat melancholiam & bilem vstam à cerebro, sensuum organis, pulmone, corde, hepate & liene. Proindeque morbis dictarū partium, ab humore huiusmodi proficiscentibus succurrit, vt melancholicis febribus & antiquis: gaudium gignit, ablato humore sine causa externa tristante. Floridum corpus efficit, & viscerum obstructiones aperit. Venio ad eximiam illam & exactam præparationē diluti Senetici, aut, si maioris est Sena, quam Andreas Matthiolus medicus doctiss. hunc in modum præscribit. Sumuntur foliorum electissimæ Senæ drachmæ sex: zinziberis, aut cinnamomi contriti, drachma vna: florum buglossi drachmæ duæ: miscenturque omnia, & fictili vitreato, aut stanneo vase angustī orificij excipiuntur, affusisque feruentis aquæ, vel seri caprini vnciis decem, vasis osculum adeò occluditur, vt nullus omnino spirandi pateat exitus. His peractis, puluinari plumis anserinis factō,

Senæ facultates præstantissimæ.

Compositio diluti Senetici præstantissimi.



Vires di-  
luti Sene-  
tici.

Miræ fa-  
cultates  
Senæ.

Morbus  
Hispani-  
cus.

ignique calefacto vas inuoluitur, reponiturque in arca ubi pernoctare sinitur. Sic enim conseruato calore, dilutum omnem facultatem in se recipit. Eductet non solum bilem vtramque, ut ex Mesuæ diximus, sed etiam pituitam, ut tradit Actuarius, & experientia probat, adhæc aquas & serosa excrementa. Mūdat cerebrum, cor, iecur, lienem, pulmonem, & omnes corporis sensus, confertque omnibus eorum incommodis: auget iuuentutem, senium tardat, & animi hilaritatem inducit. Cor roborat, maxime si commisceatur medicamentis, quæ illi sunt amica, ut violis, rosis, floribus vtriusque buglossi, & similibus. Præterea delirio, ut tradit Serapio, mirifice prodest, necnon amentie, resolutioni neruorum, phthiriasi, cephalalgie, scabiei, pustulis, pruritui & epilepsie. In vniuersum medicina est optima morbis omnibus diuturnis & melancholicis. Decoctum foliorum eius & chamæmeli, cerebrum & neruos lotione roborat, aciemque oculorum, & auditoriam facultatem plurimum emendat. Sed prætereundum non est, quod in morbo Hispanico, ex Manardi sententia, maximopere pollet, putres materias ac pituitam, cōtra Auerrhois opinionem vacuando & expurgando. Sed in facultatibus Senæ versatum satis: quas hîc fusissimè persequi



DE FACULTATIBVS SENAE.

Volui, vt, rogatus, nonnullis gratificarer, qui in illarum cognitione & aucupio summoperè laborabant ob frequentem eius vsum: quem nos etiam popularem esse non ignoramus, ac pueris, senibusque & mulierculis omnibus admodum familiarem, ac penè domesticum: adeò vt non Sena, sed Sana hodie à multis nuncupetur. Fructuere, bonis auibus, quisquis amat mentem tibi sanam in corpore sano.

Sena à multis hodie Sana dicta.

LIBRI AB ANTONIO MIZALDO

Mon luciano hactenus editi, & publica  
omnium vtilitati expositi.

PHAE NOMENA, siue temporum signa. Lutetiae excusa, apud Reginaldum Calderium, 1546.

Idem liber Gallicè conuersus, sub nomine, *Le miroir du temps*. Lutetiae apud eundem, 1547.

Meteorologia, siue rerum aëriarum Commentariolus, &c. Lutetiae apud eundem, & anno eodem.

Idem liber Gallicè conuersus, facto nomine, *Le miroir de l'air*. Lutetiae apud eundem, 1548.

Cometographia, crinitarum stellarum naturam & portenta libris duobus pulcherrimis proponēs. Lutetiae apud Christianum Vvechelum, 1549.

AEsculapij & Vrania medicum & astronomicum colloquium. Lugduni apud Ioannem Tornæsium, 1550.

G ij



LIBRI AB ANTON. MIZAL D O

Planetologia, astronomicè & medicè descripta. Lugduni apud Matthiam Bonhomme, 1551.

De Mundi sphæra, seu Cosmographia libri tres. Lutetiae apud Gulielmum Cauellat, 1552.

Zodiacus, siue duodecim signorum cœli Hortulus. Lutetiae apud Carolam Guillard, 1553.

Planetæ, seu Planetarum Collegium. Lutetiae ibidem & anno eodem.

Asterismi, siue stellarum cœli imaginū Officina, cum Encomio docti Astronomi, ibidem & anno eodem.

Catalogi sympathiæ & antipathiæ rerum aliquot memorabilium. Lutetiae apud Iacobum Keruer, 1554.

Ephemerides aëris perpetuæ, seu popularis & rustica tempestatum Astrologia. Lutetiae apud eundem, & anno eodem.

Idem liber Gallicè conuersus, sub nomine, *Les Ephemerides de l'air, & Astrologie des rustiques*, apud eundem, & anno eodem.

Memorabilium naturæ arcanorum Syluula, Lutetiae apud eundem, 1555.

Harmonia cœlestium corporum & humanorū, astronomicè & medicè demonstrata, apud eundem, & anno eodem.

Ephemeris cœlestis anni 1555 præter vulgarem modum supputata & descripta, apud eundem, & anno eodem.

Ephemeris eadem Gallicè edita, apud eundem & anno eodem.

Vsus & explicatio Ephemeridum, anno eodem, & apud eundem.

Symbolum funebre in obitum Orontij Finæi, Regij mathematici, cum eiusdem vita & tumulo, apud AEgidium Gourbin, Lutetiae 1555.

*L'Explication, usage & pratique des Ephemerides celestes, avecques tables à ce necessaires.* Lutetiae apud Iacobum Keruer, 1556.

Ephemeris anni 1556. apud eundem, anno eodem.

Eadem Ephemeris Gallicè edita, anno eodem, apud eundem.

Ephemeris anni 1557. Lutetiae apud eundem, & anno eodem.



## H A C T E N V S   C O M P O S I T I .

Eadem Gallicè reddita, anno eodem, apud eundem.

De arcanis naturæ libelli quatuor pulcherrimi. Lutetia, apud Iacobum Keruer, 1558.

In eadem atrocissimam Ant. Minardi, in Senatu Parisiensi Præsidis inculpatissimi Nænia. Lutetia apud Federicum Morellum, 1559.

Hortorum Secreta, cura, & auxilia, libris tribus utilissimis proposita. Lutetia apud eundem, 1560.

De hortensium arborum Infitione, apud eundem, & anno eodem.

Paraclesis super morte Francisci Oliuarij, Galliarum Cancellarij prudentissimi. Lutetia apud Bened. Preuotium, anno eodem.

*Singuliers secrets & secours contre la peste, bien experimentez.* Lutetia, apud Mathurinum Breuille, 1562. Hodie apud Federicum Morellum.

*Les louanges, antiquitez & excellences d'Astrologie.* Lutetia, apud Thomam Richardum, 1563.

*Instruction fort populaire pour la cognoissance des Lunes, en tous temps.* Lutetia, apud eundem, & anno eodem.

Alexikepus, seu auxiliaris & medicus Hortus. Lutetia, apud Federicum Morellum, 1564.

Methodus noua medicandorum fructuum, olerū, radicū, plantarum, vuarum, & aliorum, quæ corpus blandè & absque noxa purgent. apud eundem, 1564.

Diuerſa artificia componendorum vinorum quæ variis morbis clementer succurrant, cum multorum descriptione, & auxiliis. apud eundem, & anno eodem.

Auxiliaria medicamenta ex quadrupedibus, volucribus, & aquatilibus, tam domesticis, quàm villaticis, libris tribus pulcherrimis descripta, & propediem excudenda.

## F I N I S .







NOVA ET MIRA  
ARTIFICIA COMPARAN-  
DORVM FRVCTVVM, OLERVM, RA-  
dicum, vuarum, & aliorum horten-  
sium, quæ corpus blandè &  
abſque noxa purgent.

A D H A E C,  
*METHODVS PERPVLCRA*  
*componendorum Vinorum, quæ diuerſis mor-*  
*bis clementer succurrant: cum priſco & re-*  
*centi catalogo quorundam.*

AVTORE ANTONIO MIZALDO  
*Monluciano, Medico.*



LVTETIÆ,  
Apud Federicum Morellum in vico  
Bellouaco, ad vrbanam Morum.

I 5 6 5.

CVM PRIVILEGIO REGIS.




SVMMA PRIVILEGII.

**R**EGIA sanctione cautum est, ne quisquam alius præter Federicum Morellum Typographum Parisiensem, hæc noua & mira artificia comparadorum fructuum, &c. Adhæc Methodum perpulchram componendorum vinorum, &c. Autore ANTONIO MIZALDO MONLVCIANO, Medico, intra quinquennium, absque manifesto autoris, & dicti Typographi consensu, sub Regis ditione imprimat, aut vendat. Qui secus fecerit, libris & pœna, in sanctione æstimata, multabitur. Concessum fuit Priuilegium Lutetiæ Parisiorum, die VII Augusti 1562.

Subsignante

CAMVS.





ORNATISSIMO VIRO AC  
DOMINO, D. PHILIBERTO AB  
Vlmo, S. Eligij Nouiom. & SS. Sergij & Bac-  
chi Andegau. Abbati, necnō CAROLI IX.  
& Reginae eius matris Architecto, eorun-  
dēque Consiliario & Eleemosyna-  
rio ordinario, ANTONIVS  
MIZALDVS Medicus,  
S. P. D.

**Q**uā res gestas Alexandri  
Magni scribunt, vno  
omnes fatentur cōsen-  
su, Abbas ornatiss. il-  
lum vsque adeo gene-  
rosi spiritus, & excelsi  
animi fuisse, vt parua quæque & abiecta,  
Aquilæ more quæ muscas negligit, vbi-  
que despexerit, degeneresque ac inertes  
homines, canepius & angue perpetuò  
oderit. Quid inquam homines? imò ve-  
rò animalia quæ nihil generosum præ se  
ferebant. Cū enim Indiam peteret, fe-

A ij



## EPISTOLA

runt Albanæ Regem ei dono dedisse in-  
 usitatæ magnitudinis canem vnum: cu-  
 ius specie delectatus, illico periculum fa-  
 cere voluit, an corporis vastitati, virtus  
 quoque responderet. Iussit itaque vrsos  
 primùm, mox apros, deinde damas emit-  
 ti, contemptim & immobili iacente ca-  
 ne. Ea segnitie tanti corporis offensus  
 Imperator, generosi, vt diximus, spiritus,  
 tanquam inertem & degenerem proti-  
 nus à suo conspectu excludi, &, vt qui-  
 dam volūt, interimi iussit. Fama Albano  
 factum nuntiat: itaque alterum mittens,  
 addit mandata, ne in paruis experiri vel-  
 let, sed in leone, elephantoue. Duos sibi  
 tantùm fuisse, & hoc interempto nullum  
 præterea sibi fore. Nihil distulit Alexan-  
 der, & leonem statim supplantatum, fra-  
 ctumque vidit. Postea elephantum iussit  
 adduci, nō alio magis spectaculo lætatus.  
 Quo inspecto, horrentibus per totū cor-  
 pus villis, ingenti primùm latratu into-  
 nuit, mox assultans ingruit, contraque  
 belluam assurgens, hinc & illinc artifice  
 dimicatione, quàm maximè opus esset,  
 nunc infestans, modò cuitans, tādīu con-  
 gressus est, donec assidua vertigine rota-



tam, summo spectātium pauore, afflixit, tellure ad casum eius concussa. Hæc scribo, Vir eximie, quòd metuam ne idē mihi contingat, quod Albano cani. Quem sicuti Alexander suo aspectu & contubernio indignum censuit, quòd nihil generosum præ se ferret: ita, iure optimo, tu, non Magnus quidem Alexander, sed magnus, re vera, Architectus, & magno sublimique ingenio illustratus, Opusculum hoc tibi nuncupatum, tuis oculis & bibliotheca indignum, iudicare poteris, ac fortassis despicere, quòd nihil arduū, præclarū, ac ingeniosum describat: nullamque similitudinem, harmoniam, aut symmetriam agnoscat, cum insigni illo ac subtili & planè diuino Architecturæ tuæ artificio. Id sanè, vt verum fatear, diu & multum me torfit, ac variè in diuersa distraxit: hinc dissuadente metu & pudore, illinc verò suadente, ac animum mihi faciente, candore tuo: qui nihil quantumuis minimum, etiam si sit ab illa Architecturæ tuæ sublimitate ac dignitate alienum, reiicere ac despicere solet. Addebam, te ex eorum illustrium artificum esse numero, qui de priuata domo,

A iij



palatium, & de tuguriolo castellum facere norunt: nihilque tam humile esse, quod arduum ac magnificum non reddant. Ex quo, certò mihi persuasi, te hanc nostram foeturam, haud dubiè parvam, non solum pro ingenti habiturum, sed ingentissimam quoque tuo favore redditurum. Quam si per priuata studia tua & serias occupationes, cursim, ut canis è Nilo bibit, plustrare ac legere dignaberis, fortasse inuenies, eam aliquid còcentus agnoscere cum ea Architecturae parte quam structoriam & ædificatoriam nuncupant. Ut enim illa à fundamentis sua ducit initia, & per parietes, ad summa sensim fastigia tēdit, ibique desinit: ita nostra medicandarum arborum & vitium structura, & (si sic loqui licet) Architectura, quam hoc Opusculo persequimur, à radicibus, ceu fundamentis, sua capit principia: & per arborum caudices, ceu per parietes quosdam, ad ramos usque, & fructus, summamque arborum fastigia, ceu quædam recti culmina, scandit; ac ibi conquiescit, & desinit. Sed hæc, quod dicunt, nihil ad carmen & citharam. Ad me itaque descēdo, qui in has hodie angustias incidi, ut re vera



cogar pauperculos homines, & rusticos imitari: qui cùm suis creditoribus, ob rei familiaris tenuitatem, soluendo non sint, illis nunc cascolo, modò fructibus, nonnunquam gallina, aut simili symbo- lo, voluntatum suarum propensionem testificari solent. Sic ego, qui tantùm fa- uoris & beneficiorum à te accepi, vt sol- uendo esse non possim, nunc chartulis, nūc libellis, aut alio perquàm tenui mu- nusculo ceu arrabone quodā, animi mei propensionem tibi tantisper exponere cogor, dum referendæ gratiæ viam ali- quam, sua pietate, nobis indicauerit ille, qui bonis mentibus & gratis animis vl- trò solet occurrere IESVS CHRISTVS. Cuius bonitas immensa annuat, vt quod in manibus habes præclarum, & deside- ratū, innumerisq; gētibus pergratum, Architecturæ opus, breui absolueri pos- sis, magno Rerumpub. ac nationum om- nium commodo: quibus nec tale inge- nium, nec tantùm artificium, mirandis inuentionibus, figuris ac demonstratio- nibus illustratum, hætenus videre non contigit. Eia, Vir incomparabilis, i bene quò virtus tua te vocat, i pede fausto, &



## EPISTOLA

iacta immortalitatis tuæ fundamēta, stabili-  
 lire perge : non superbis quidem illis  
 ædificiorum structuris, quæ hodie per to-  
 tam ferè Galliam te autore, inuētore &  
 designatore visuntur : nec magnifico il-  
 lo Regina palatio, quod hodie ad Hono-  
 rata vrbs mœnia, te moderatore surgit,  
 ac vnum pro multis fama loquetur opus :  
 sed excellentissimis ingenij tui scriptis &  
 lucubrationibus, quæ ruinam & obliuio-  
 nem non agnoscunt. Certa cum Vitru-  
 uij Architectura & inuentionibus, qui-  
 bus tuapte industria plus lucis adferre  
 potes, quàm ex illis vnquam acceperis.  
 Perge illum vixdum cuiquā bene intel-  
 lectum, nedum interpretatum, ad ho-  
 diernam praxim & opus accommodare,  
 & exemplis demonstrationibúsque illu-  
 strare : rem sanè q̃ gratam doctis omni-  
 bus facturum. Confer antiquas prisco-  
 rum structuras, delineationes, & symme-  
 trias, cum recentiorum artificijs, descri-  
 ptionibus, ingenijs & structuris. Ostende  
 hodiernam Architecturam posse priscam  
 æquare, vel etiam superare, si per Princi-  
 pum fauorem, sumptus, ac liberalitatem  
 liceret. Doce, vtriusque vsum, & quid hæc



N V N C V P A T O R I A .

ab illa discrepet . Demonstra posteriores dies, arte & ingenio, prioribus non cedere, & quòd dies diem docet, vsus quotidie multa profert, anni plurima concoquant, & multò plura limat ætas. Cogita te eum in locum & ordinem Dei manibus esse deductum, qui id summa cum laude, & immortalis gloria, fœliciter peragere possis, ac debeas . Cogita templa, arces & superba palatia, te autore, inuentore, & moderatore ædificata, posse aboleri igni, aqua, terræ motu, ventorū tempestatibus, fulmine, bellis, seditionibus, & iniuriis aliis modis, vt visum fuerit tempori, rerum omnium, vt scripsit Pindarus, principio & fini . Quare, nec faxis, nec columnis, nec sepulchris, quantumuis marmoreis, nomen tuum sculpi aut incidi debet, sed libris æternæ laudis custodibus diligenter inscribi. In eam, obsecro, cogitationem incumbe, & quæ ipse pulcherrima apud te vidi, prisca & recentia quamplurima, ne, quæso, perire sinas. At per deos immortales, quorsum rapior? aut quidnam ago, illum imprudenter adhortans, qui alios tam strenuè cohortari solet? Quid cogito, memorem



## EPISTOLA

monens, re vera, monendus ab illo? Ignosce, precor, Abbas optime, si quid ea in re peccatum est: tibi que persuade hæc à me scripta fuisse, non ut te cessantem, aut dormientem excitarem, sed potius, ut spõte & alacriter currentem alacrius ire incitarem: miro quodam erga te studio & amore, qui certum nescit habere modum. Quod ut boni consulas, peto & opto: anxie que efflagito, ut hosce Libellos duos de medicandis hortorum materiis, & vitibus, necnon de vinis medicatis & salubribus, tibi nuncupatos, hilariter accipias & gratos habeas. Quos, cum huius plumæ aliis, eo animo scripseram & collegeram, ut mihi, ac priuatis duntaxat amicis, vsui essent, & cochleæ, quod dicunt, vitâ perpetuò apud me agerent. Sed familiarium meorum quotidiana preces, ac multorum literæ, propositum hoc mihi excusserunt, & dictos libellos, quales quales sunt, ceu clauam è manibus Herculis, tandem extorserunt. Nec quidquam mihi profuit, quòd obiicerem, me nõdum extremam manum illis imposuisse, multa quotidie addere, inelaboratos esse, ac proinde me



velle illos iterum atque iterum incudi  
 reddere, coquere & recoquere, vt paulò  
 maturiores in lucem exeant : hocce præ-  
 fertim tempore , in quo mirè delicata  
 sunt hominū ingenia , & ventriculi cere-  
 bri ad concoquendas digerēdasque scri-  
 ptorum cruditates, malè compositi & af-  
 fecti . Ad hæc magis atque magis exaspe-  
 rati , me in dies ad conuicia vsque per-  
 sequebantur . Videte, inquiebant , κακό-  
 ζαλον Horatianum , qui dum suorum la-  
 borum ac studiorum fructus , non in se-  
 ptimum modò annum , sed nescio quot  
 septenos, cum situ, puluere ac tineis, im-  
 piè & perditè rixari sustinet , multos in-  
 terim eorum vsu indignè ac inuidiosè  
 spoliat : periclitatúrque, ne tandem mo-  
 riens , sua etiam scripta secum auferat,  
 vel ingratis hæredibus dissipanda, statim  
 Vulcano tradenda, seplasiariis destinan-  
 da, falsamentariis prostituenda, vel bu-  
 tyropolis contrectanda miserrimè relin-  
 quat . Hæc cum verissima esse certò sci-  
 rem , & veluti ex tripode pronunciata,  
 compunctus nolui ampliùs vlla vti ex-  
 cusatione , ratus satiùs esse multorum sa-  
 luti consulere, quàm meæ vnus volun-



EPISTOLA NVNCVPATORIA.

tati satisfacere. Vela itaque ventis com-  
misi, & quod mihi & amicis proprium  
esse decreueram, commune esse passus  
sum. Quod fœlix faustúmque sit, precor  
& opto. Sed iam tempestiuum est vt epi-  
stolam claudamus, ne longæ orationi co-  
mes sit fastidium, præsertim apud eum  
cui sunt magna negotia curæ. Fœliciter  
itaque valebis, Abbas ornatiss. &  
tuum MIZALDVM, si quidem  
dignum ducis, amare per-  
ges. Lutetiæ, Caléd.  
Nouembr.

1564.



## *S V M M A E T P R A E C I P V A*

*Capita eorum quæ continentur in Libello de medicandis hortensium materiis, ut corpus blandè & absque noxa purgent.*

**P**RÆFATIVNCULA, in qua de officio docti & prudentis medici, cū scopo & instituto Autoris. folio 1.  
De eligendis & apparandis materiis, ad hortensium medicationes idoneis, cum earundem electione, & catalogo. folio 3. & seq.

Modus primus medicandi arbores, ut illarum fructus clementer corpus purgent. Vbi de arborum ad id accommodarum electione. fol. 6. & seq.

Modi alij quinque, eam in rem admodum pulchri & perfaciles. fol. 9. & seq.

Artificia alia ad id, expedita & probata. fol. 14. & seq.

Alia arborum medicationes ad effectus alios quam purgandi corpus, summa animaduersione dignæ. fol. 17.

Fructibus arborum odores & sapes quosuis, necnon etiam colores posse eleganter ac facillè comparari. fol. 18. & sequenti.

Arbores duæ valde admirabiles, & serè prodigiosæ, folio 20. & seq.

De collectione, repositione, custodia, & usu fructuum medicamentosorum, & aliis in Dendriatria obseruandis. fol. 22. & seq.

Quomodo fructus tam æstiu, quam autumnales, iam decerpti & asseruati, medicamentosi & purgantes euadent. fol. 25. & seq.

Quomodo alia hortenses materiae ab arboribus, deictorias facultates induent, & sapes ac odores varios admittent. fol. 29. & seq.

Vites modis variis medicati, ut earum vix, & vina ex iis expressa, corpus absque molestia purgēt. fol. 32. & seq.

Alia vitium, vuarum & vinorum medicationes pulchræ & ingeniosæ, ad somnum, contra venena, & alia. fol. 35. & sequenti.



## S V M M A E T P R A E C I P V A

*Capita eorum quæ continentur in Libello de  
artificiis componendorum Vinorum quæ cor-  
pus variè purgent, ac diuersis morbis cle-  
menter succurrant.*

**P**RÆFATIVNCULA, vbi de variis antiquorum vi-  
nis factitiis ad diuersos effectus, & miris medicati vi-  
ni facultatibus. folio 38. & seq.

Vinorum medicamentosorum artificiosæ aliquot con-  
cinnationes, tam per vindemiam, quàm alio quouis tem-  
pore. fol. 40. & seq.

Aliæ eorundem vinorum compositiones, magis trita  
ac vulgares, & à plurimis expertæ. fol. 44. & seq.

Quædam obseruanda, cum in præcedētibus, tum etiam  
sequentibus, pro exacta Oeniatría. fol. 46. & seq.

**V I N O R V M M E-** catorum particulares ali-  
dicatorum particulares aliquot formulæ & præ-  
fidia, ex Græcis Floren-  
tini Georgicis. quot formulæ & præsidia,  
ex M. Catone.

Vinum factitium ex Ro-  
sis, Anetho, & Aniso. fol. 49.

Vinum concinnare, si lo-  
tium difficilius transibit.  
fol. eodem & seq.

Vinum ex Asaro, Pule-  
gio & Fœniculo. fol. eodē.

Vinum ad Ischiadicos.  
folio 52.

Vinum ex baccis Lauri,  
Petrofelino & Conyza. fol.  
eodem, & seq.

Vinum ad tormina, & si  
tineæ & lumbrici molesti  
erunt. fol. eod.

Vinum ex Ruta, Fœno  
græco, Hyssopo, & Apio.  
folio 50.

Vinū ad dyspepsiam, &  
stranguriam. fol. eodem.

Vinū ex Absinthio, nec-  
non Thymo. fol. eod. & seq.

**V I N O R V M M E D I-** VINORVM MEDI-  
catorum particulares ali-  
quot formulæ & præsi-



dia, ex Dioscoride.

Vinum Rhodites seu è  
Rosis. fol. 53.

Vinum Absinthites. fol.  
eodem.

Vinū Hyssopites. fol. 54.

Vinum è Betonica. folio  
eodem.

Vinum è Thymo. fol. 55.

Vinum ex Asaro & ex  
Dauco. fol. eodem.

Vinum Saluiatum, nec-  
non Marrubiatum. fol. eod.

Vinum ex Apio, Anetho,  
Fœniculo, & Petroselino.  
folio eodem.

Vinū Granatorū. fol. 56.

VINORVM MEDI-  
catorum particulares ali-  
quot formulæ & auxilia,  
ex Arnaldo Villanouano  
& aliis.

Vinū mirabile, pro Me-  
lancholicis. fol. 57.

Vinum Cardiacum, seu  
cordiale. fol. 58.

Vinum Passulatum, vel  
vuarum Damascenarum.  
fol. 59.

Vinum Cydonites, siue  
Cotoneorum. fol. 59. & seq.

Vinum Rosmarinatum.  
fol. 62.

Vinū obstructions ape-  
riens & melācholicos emē-  
dans. fol. 65.

Vinū ad oculos. fol. eod.

Vinum Enulatū. fol. 66.

Vinū Saluiatū. fol. eod.

Vinū Hyssopites. fol. 67.

Vinū Fœniculatū. fo 68.

Vinū Eryngatū fol eod.

Vinū Anisatum. fol. eod.

Vinum Rhodites, siue è  
Rosis. fol. 69.

Vinum Halicacabi siue  
de Alkekengi. fol. 70.

Vinum Caryophyllatū.  
fol. 71.

Vinū Gramineū. fol. 72.

Vinum Ebulatum, seu ex  
Ebulo, vel Chamæactē.  
fol. 73.

Vinum, fœtū in graui-  
dis continens, & steriles ad  
conceptū preparās. fol. eod.

Vinum Guaiaci, & eius  
legitima compositio, atque  
exhibitio. fol. 75. & seq.

Vinum è Sena, & com-  
positio diluti ex eadē, cum  
facultate eiusdē Senæ. fol.  
81. & sequ.

Catalogus omnium Li-  
brorum quos in hūc vsque  
diem ANT. MIZALDVS  
publicæ omnium vtilitati  
exposuit.

*Numero 2. linea 25. pro myriadibus,  
lege chiliadibus.*



